

地

倭漢三才圖會

末之二十七

佛閣 山城

和
四
〇

和
植物
13
63

庫	文	閣	內
三〇	函	六	架
三〇	冊	二	冊
三〇	號	二	號
			類
			和書

內閣文庫			
番號	和	30284	
冊數	81	(53)	
函號	210	9	



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



精進 藥場



和漢三才圖會卷第七十二之末

山城佛閣

撮所攝之人倫有小傳者目錄

慈鎮和尚

一丁メ 青蓮院

尊圓親王

一丁メ 青蓮院

聖寶僧正

三丁メ 醍醐

仁海僧正

三丁メ 隨心院

淺井長政

五丁メ 養源院

隆豐法師

六丁メ 梶井宮

暹賀僧正

六丁メ 梶井下

性信法印

八丁メ 仁和寺

恒寂法親王

八丁メ 大覺寺

俊苾法師

九丁メ 泉涌寺

圓覺律師

十丁メ 法蓋剛院

明恩律師

十一丁メ 槇尾山

實惠法師

十二丁メ 東寺

求法上人

十二丁メ 大報恩寺

山名氏清

十三丁メ 北野經堂

實空僧正

十三丁メ 蓮喜寺

閻魔王

十三丁メ 引接寺

真濟僧正

十四丁メ 高野山

文覺上人

十四丁メ 高雄山

真雅僧正

十五丁メ 貞觀寺

延昌僧正

十六丁メ 補陀落寺

壹演法師

十七丁メ 感應院

明惠上人

十七丁メ 梅尾

袈裟御前

十九丁メ 戀塚寺

和漢三才圖會

山城佛閣

目錄

道昌法師 カトメ 法輪寺	道雄僧都 カニメ 海印寺	常曉法師 カニメ 法琳寺	延朗上人 カニメ 谷堂	安然阿闍梨 カニメ 元慶寺	淨藏貴所 カニメ 雲居寺	空也上人 カニメ 六波羅寺	大明國師 カニメ 南禪寺	榮西禪師 カニメ 八丁寺	寶覺禪師 カニメ 萬壽寺
秦川勝 カニメ 大秦	延鎮 カニメ 清水寺	解脫上人 カニメ 笠置寺	西行法師 カニメ 櫻光菴	源三位賴政 カニメ 平等院	東岸居士 カニメ 同上	鉢敲 カニメ 同上	夢窓國師 カニメ 天龍寺	聖一國師 カニメ 東福寺	關山國師 カニメ 妙心寺
寬朝僧正 カニメ 通稱寺	主馬盛久 カニメ 清水寺	長嘯子 カニメ 高臺寺	僧正遍昭 カニメ 元慶寺	池坊專好 カニメ 六角堂	行圓上人 カニメ 乾堂	良忍上人 カニメ 來迎寺	兼明親王 カニメ 同上	兆殿司 カニメ 同上	大燈國師 カニメ 大徳寺

義天和尚 カニメ 龍安寺	將軍義滿公 カニメ 金閣寺	一休禪師 カニメ 同上	大幢國師 カニメ 長福寺	淨忠上人 カニメ 同上	永觀律師 カニメ 永觀堂	惠隱法師 カニメ 普願寺	圓空上人 カニメ 深草	親鸞聖人 カニメ 本願寺	佛光寺歷代 カニメ 六十九丁
細川勝元 カニメ 同上	將軍義政公 カニメ 銀閣寺	隱元禪師 カニメ 黃檗山	源空上人 カニメ 智恩院	蓮生房 カニメ 粟光明寺	靜遍僧都 カニメ 同上	和泉式部 カニメ 誠院	家隆卿 カニメ 二尊院	歷代門跡 カニメ 同上	日像上人 カニメ 妙顯寺
將軍義詮公 カニメ 等持院	大應國師 カニメ 願徳庵	車僧 カニメ 海生寺	源智上人 カニメ 百々邊	隆寛律師 カニメ 同上	向阿上人 カニメ 淨業院	無念上人 カニメ 一心院	平信長公 カニメ 深草	二十四輩 カニメ 同上	六老九老僧 カニメ 同上

和漢三才圖會

僧尼

僧尼

日親上人
大覺僧正

七十三
本因坊
實想寺

基所
本因坊

七十三
寂光寺

秀次公

七十四
善正寺

和漢三才圖會卷第七十二之末

山城佛閣

青蓮院

在粟田口

天台宗

寺領千三百卅余石

始號十輪院

開基

行玄大僧正

傳教大

○行玄京極太閤師實公之男也其後覺快法親主及慈

鎮良快等連續而以來世為親主寺凡諸宗僧徒任

官見許緋衣紫衣等之輩必先來告于當寺為白例矣

又尊圓親主以降筆法傳授之家世稱之御家流

○慈鎮和尚慈圓關白忠通公男之弟殿本胡輪殿覺

快親主之附弟而任山門之座主四箇度也嘉祿元年

九月二十五日於東坂本大和庄小島坊入寂嘉祿二年

○尊圓法親主伏見帝王子母右衛門佐祝髮為僧初名

尊彦後改號會圓入青蓮院行玄十七葉之門跡而本朝近代之能書也永仁六年生後光嚴院延文元年九月薨壽五十九

曼殊院

在一乘寺村天台寺領八百二十七石
號竹內御門跡開基八条宮二品法親王良尚初建北山後明曆三年遷于此

常修院

在北山大原邊同寺領九百六十四石
梶井宮二品法親王慈胤後陽成院宮

開基

傳燈大法師位承雲慈覺大師之弟子
元在東坂本後移于此京師御坊號梨本

毘沙門堂

在山科寺領五百七十石
寬文中建立開山花山院大僧正公海後為親王寺初在相國寺塔之壇毘沙門町故名後移于此

聖護院

在東山聖護院村

寺領千五百石

開基

智證大師清和御宇貞觀八年奏建持念壇於冷泉院祝寶祚也園城寺長吏而且修驗行者俗云本寺稱之本山道寬法親王後木尾院也以來

道祐

道尊道兼相續宮門跡自開基是迄崇德院朝天祐以二井寺行尊為大僧正為熊野三山檢校預山伏事是其始也

役行者

白雉三年十二月二十日始入葛城大峯是為順峯入之始也翌年七月十六日復入大峯修行是為逆峯入之始也

護院

七世道譽時十九年為白河院熊野御參詣先達而以來累世御門跡每十九歲時七月二十五日必始入峯都鄙門下山伏等數万人髮鬚長一寸八分頭巾鈴掛

佩二刀

前驅扈從義式嚴重其前日至東山勝軍地藏被修護摩以祈鎮護國家法

若王寺 在東 勝仙院 在聖護 各有寺領

右三箇寺院家大僧正 掌本山山伏事

照高院 在白川 寺領千石

號最上四天主院 今為聖護院官御隱居寺

勸修寺 在南山社 寺領千石

醍醐天皇御願 開山濟高大僧正

為親王寺兼帶南都東大寺初寺領五百石元祿年中
至濟深二品法親王時為千石

昔渤海國客入朝過此處忽下馬北向拜曰是靈區其

形似龜甲此地高貴人出遂須為伽藍地果醍醐帝母

公此地之產而帝為外戚宮道彌益烟母建寺勸修
寺是也 鎮宇兩社 昆奈官道彌益
夫攝人以爲神

延喜四年九月二十一日以勸修寺勅為定額寺同十
年八月濟高大僧都 僧正聖寶
之弟子也 任當寺長吏而天慶六

年貞譽律師為二世長吏

噓心院

在小野

寺領

開山 仁海僧正 中興 增俊阿闍梨 中興
國僧

又中古自九條殿令嗣以來攝家御門跡

○仁海事元果阿闍梨稟密學博錯綜衆流於此地密
講之席四來受業者多世號小野密派 後院
院 寬仁二年

六月旱勅於神泉苑修請雨經法大雨下三日夜 後院
院

長元五年長久四年凡詔雪九度皆降雨長曆二年為
僧正 時人呼
雨僧正 許輦車賜封戶 後院
院 永承元年五月十六

月滅年九十二

醍醐寺 或取山
或万茶山 在宇治郡 寺領四千八百石

醍醐朱雀村上三代天子勅願 開山聖寶僧正

大尊 如意輪觀音 聖寶作巡禮十一番 女人
結界

○聖寶僧正 讚州人 尤
之後 天皇十六 授真雅法師得

度學三論於元興寺唯識及華嚴於東大寺又謁高野
 眞然稟密教從源益初東大寺東坊有鬼祟人不起
 聖寶請勒住焉鬼現形爭拒以不屈鬼移他處爾後無
 妖害一夕燈下讀書於此傍倫茶盞備昏睡也中夜木
 蛇自梁間下影見盞中聖寶仰而叱蛇忽不見也嘗好
 修練歷行名山靈地金峯山役行者開闢以後道塞聖
 寶援葛藟而踏開自此苦行者不絕清和天皇關醍醐
 寺演顯密二教又建南都東南院講三論之宗凡造丈
 六六佛二十餘軀又置衛役千金峯山設渡舟于吉野
 路行人賴之二年和賜傳法阿闍梨位二年平爲貞觀寺座
 主二年延任僧正二年同賜醍醐爲官寺延喜九年七月六
 日逝年七十八病中天皇幸問有所持如意背刻五獅子面
 雕三銘柝兼學也在東大寺東南院而興福寺維摩講
 師必執此如意應演唱如兩寺有事東大寺不出如意
 若無此則措講會至是朝廷詔令東大寺出如意行法

事其秘重如此聖寶管攝之所東寺西寺

下醍醐菩提寺在上醍醐麓許女人誦

開基三寶院勝覺僧正

勝覺左大臣俊房公之男也世鷹司殿令嗣之攝家御
 門跡上下醍醐及當山方山伏支配

大佛殿方廣寺在七条通順道伏見街道上

妙法院二品法親王寺領千六百卅三石

天正十四年豐臣太閤建立慶長七年同內大臣秀賴
 公用銅鑄盧遮那大佛像

大佛

佛軀長十間但鼻高五尺五寸面長三間眼橫五尺五寸
 耳長一丈鼻高五尺五寸鼻孔二尺口橫八尺二寸
 掌至指端足心橫七尺四寸羅勃數三百五寸
 白毫徑二尺後光橫九尺八寸蓮花壇各八尺

大佛之堂

堂桁行四十五間 梁行五十七間 棟高二十五間

柱九十二本 但徑五尺五寸 間五寸 柱長十五間

上屋棟但片屋百二十七間 坪同 華瓦妻軒百八枚

下屋棟但片屋百二十七間 坪同 華瓦妻軒百八枚

北瓦長二尺七寸五分 幅一尺 壯瓦長二尺七寸五分 幅一尺

金剛垣 徑十八間 壇上 幅三間 五寸

三王門 桁行尺五五間 二 梁行六間 一八本

二王 高一丈 狹大 居長 金剛垣 方三寸

大鐘樓堂 四間四方 鐘高二丈四尺 徑九寸

三十三軒堂 在大佛殿傍 寺領十石六斗

鳥羽院御願平忠盛為監吏造立安置十一面觀音千一躰崇德院天承元年開眼供養導師忠尋僧正胤平愈山得長壽院

後白川院法皇又造千手觀音千體時改號蓮華王院

堂長六十四間 一尺八寸六分 但自椽端 椽高四尺七寸八分 幅一尺半 椽高一丈六尺五寸 第二椽高一丈九寸九分 椽幅七尺五寸 於是近世射大矢數 射入居緣南端 七尺九寸之惠

智積院 在大佛殿東南 寺領五百石

妙法院 二品法親王 寺勢

豐臣秀吉公建立以妙心寺南化和尚為開祖 號祥雲院 先是信長公惡根來寺徒黨滅如蓋及新義派 東照君憐權師一流絕擇殘僧中俊哲者二人一遣長谷寺小池坊一住于當寺令新義派再興而祥雲院遷于妙心寺改為智積院 如今覺鑿新義學寮所化 寓僧每滿七百有余

耳塚 在大佛門前

豐臣秀吉公朝鮮征伐所獲耳鼻埋於此 猶源賴義討

與州賊斬耳建耳納寺
耳塚周百二十間高五間
石塔高三間臺方
方一丈二尺

養源院 在大佛近處 天台 寺領二百石

淺井備前守長政卒戒名曰養源院息女崇源院殿
台德院相公夫人為先考所建山門院家住于此
源君 累代靈牌有之

○長政江州之傑也其先隸于佐佐木京極家其祖父亮
政發兵於江北掠六角取其邑爭其地父久政亦不滅
于父長政壯而有服衆威敵之氣屢振威於江濃之間
信長以其妹嫁之和睦焉信長征越前朝倉長政嘗堅
約于義景故與義景而飯信長戰于江越之間數度後
信長殺久政淺井氏族滅

最勝寺 在白川 寺領千石

鳥羽院勅願元永元年供奉之龜山院御再興
照高院二品法親王寺勢

金藏寺 在葛野郡西岩倉山 天台 寺領

梶井御門跡寺勢 開山隆豐和尚 四坊 古者有

○隆豐 行善薩州河邊郡人入和州談峯定惠法師室
剃髮後入高麗國寓耽波羅阿私山歸朝登當山逢
獵翁謂曰我是自日向國來也乃射鹿其箭飛中樟木
蓋此樹靈木也我與汝以此木造大悲像矣師諾之少
時而千手觀音像成獵翁及去向東方又放矢以此矢
之留地欲為吾居竟州民營祠庶以祭之向日明神是
也而觀音靈驗達敵聞元正天皇養老二年勅創精舍
天牟勝寶三年十月三日隆豐寂 經數年堂宇
中興開山暹賀僧正 初名賀登常州筑波人三浦氏也
薙髮為慈惠僧正之徒 二年登當山見伽藍朽廢甚愁

之淨藏貴所來遊助營且奏達之不日堂宇再興元寬和
賀登入承元承延歸朝于當山元承延改賀登任暹賀僧正
居寺四十餘年長保三年八月十八日寂悼元承延

實相院 在愛宕郡岩倉天台寺領四百十二石

二品法親王寺務 管領大雲寺

大雲寺 右同處 塔頭諸院數多

圓融院 御願日野中納言文範卿草創也真覺上人開

基藤原教忠卿第四本尊十一面觀音行基作桓武天皇安置佛

後勅文慶法印為當寺別當文慶參議佐理卿之子

鎮守八所大明神 後加四社為十二所

蓮華光院 在建仁寺之裏 寺領二百石

安井御門跡前大僧正

真如堂極樂寺 在神樂岡東 寺領百五石

號鈴聲山一條院延釋勅願以穀山戒筭上人為開祖

兼學淨土宗不斷念佛道場 寺中十二坊

本尊 阿彌陀慈覺大師作三尺三寸但有白毫

初在江州元祿太或京一條其後在京極

法成寺 在京極東近衛北

後一條院朝御堂關白道長公建立治安二年成落慶

導師院源延曆寺座主七堂大伽藍其金堂安置三丈

二尺大日如來一一蓮花葉上有百体釋迦其余花美

不可言東北隅有東北院上東門院今僅存焉

東北院 在真如堂西北 寺領六石

後一條院長元三年建立上東門院御所初在法成寺

名院和泉式部塔 軒端梅一株誓願寺隣誠

西園寺 在寺町筋 造橋長福寺北

西園寺公經公草創初在大德寺西北號常住心院鹿
東死院義滿公請其地營金閣寺因移于此後改名西園
寺公經公由遺命惠心僧都所作地藏以為公之塔像
祭之而後西園寺家累代葬於當寺

法嚴寺 在山科

寶龜九年四月沙門延鎮於清水所見行睿居士遺履
之地天智天皇時建寺詳清水寺下

廬山寺 在寺町今出川通 寺領五十七石

後嵯峨院寬元三年住心覺瑜上人建立天台別院為
四宗兼學晉惠遠法師化老翁授廬山二字因號日本
廬山天台講寺公卿諸家塔婆有

遣迎院 在廬山寺之南 淨土四宗兼學

光明峯寺殿本願閑山善惠上人初在東福寺
飛鳥井家山科家等塔若干有之

仁和寺

在洛陽大內山 真言 寺領千五百石

光孝天皇仁和四年勅願寺 本尊天子等身阿彌陀
三尊供養導師真然僧正 弘法大師之
御室一品法親王 兼帶高野山 為諸僧之長

宇多天皇入釋門 延喜元年 建御室於當寺內同四年
營圓堂又朱雀天皇 天曆六年 入釋門 遷御于當院因稱
御室蓋御門跡號繁於此而當寺為釋門上首總法務

寬平法皇 帝也 究密宗奧旨授於寬空寬空傳于寬朝
謂之廣澤流義

○性信法印三糸院第四子 寬弘二年 生時有瑞光 幼少
大御崩年十四師當寺濟信出家性敏悟密法至梵字悉

曇無不通又耐勤苦或辟穀或不解帶經年 延久皇太
子痘瘡有癩性信修法治之 萬壽為灌頂阿闍梨濟信
法師不耐喜自起執寶蓋隨後密灌之時師為弟子整
蓋自此始 當寺一 派 承曆元年為法勝寺供養導師保

三叙二位僧位階應德二年九月二十七日化年八十
一得其法衣片段者預數珠顆粒者皆治病疾
鎮守 八幡宮

大覺寺 在葛野郡嵯峨真言寺領千十六石余

嵯峨天皇故宮後改為寺貞觀十八年始為大覺寺
後宇多天皇德治二年落飾居大覺寺

內金堂 後醍醐天皇元亨元年建立此時諸
內塔 後光嚴院應安六年建立

廨舍 名濟治院於是療僧尼之病
大覺寺二品法親王

○開山恒寂諱恒貞淳和天皇第三子有能書嘉祥二年
薙髮入當寺造丈六阿彌陀像仁和元年九月一日寂
壽六十歲

泉涌寺 在大佛東南兼學寺領六百八十一石

文德帝壽衡左大臣緒嗣建立建保大和守中原信房
延俊坊為住持初名法輪寺後改仙遊有清水涌出又
改泉涌禪律真四宗兼學
天子陵多有之四糸院葬于此寺而自後圓融院以來
代代葬之

○釋俊坊字不可棄肥後飽田郡人生數日棄樹下經三
日無恙姊往抱歸付母故字性以不凡四歲投外舅
池邊寺七歲能讀佛書九歲讀大般若經十歲讀法華
經六日而終焉十四學顯密十八落髮十九受具定戒
建久十年乘商舶入宋寧宗皇帝登天台山又受禪要
於徑山寺翌年依了宏律師習律三年也到秀州究天

台與旨八年也嘉定四年歸朝建曆於肥後筒嶽創寺
號正法寺俊坊所將來書凡二千百三卷律宗經書三
天台章疏七百十六卷儒書二百五十六卷律宗經書三
華嚴章疏七百七十五卷雜書四百六十三卷策西禪師

往博多招入建仁寺大和守信房以仙遊寺與坊居住
當寺稍零落韓應三勅為官寺平泰時同家連等招入
相州二位尼諱如實受戒法嘉祿元年建泉涌寺講堂後鳥羽院二帝受戒嘉祿三年
閏三月八日逝年六十二

十八羅漢像 唐禪月大師所畫天下希珍物也

貝多葉 赤布一段 天竺邊地秦里封國沙門

秦里封國獻象於宋官使并三沙門來而與宋言語不
通後坊素善悉曇試以梵字書獅子奮迅三昧名問之
梵僧有通解色而不言通時有狗臥傍彼僧酌水灑之
狗俄起奮身而去梵僧笑而指之示坊又書梵字出之
宋僧無知者坊見之曰是乞鉢孟之詞也乃出鉢與之
梵僧大喜即以貝葉赤布與坊皆人嘆坊之通梵書

來迎院 寺中之寺院數多 寺領二十八石

新善光寺 初在一条大宮今移于泉涌寺內

悲田院 在泉涌寺內 寺領五十石

昔置施藥悲田兩院救飢寒痲難人初有洛太應寺

應仁年中移于此鴨川東三条地有悲田院村乞食

戒光寺 在右同處 寺領百六石

開山曇照法師入宋歸朝持丈六釋迦像來為本尊

初在九条東洞院以後移于此此外泉涌寺境內

万祥山大通寺 在匣通七条 寺領二百八十石

負純親王亭宅六孫主經基日地開祖木幡迴心上人

鎌倉實朝公後室於當所剃髮號二位尼本覽而終成

尼寺號遍照心院 元祿二年常憲院廢再興

六宮大權現 此是六城禪社也 有八幡春日社

法金剛院 在双岡南太秦東戒律真言 寺領七十石

文德天皇天安二年建立號天安寺右大臣清原夏野之山莊

待賢門院再興崇德天皇之母后康治二年剃髮名真

如法尼久安元年八月廿二日薨崇德帝大治五年改天安寺號法金剛院

○圓覺律師中興祖諱修廣字導御姓大島氏豆州服部

人廣元之子也屆法金剛院修融通念佛又建嵯峨清

涼寺慶長元年九月十九日化良峯寺

本尊八十一面觀音立像四宗兼學

後朱雀院長久三年源算上人開基中古慈鎮和尚尊

圓法親王等住于此延曆寺別院也其後淨土宗西山

派始祖善惠上人在于此昔有五十余坊今僅七坊

又有千手觀音長八尺順禮二十番札所

仁弘法師作草堂觀音畢以其餘木所作像傳詳於草堂下

鎮守阿知坂明神在坂中間

三銘寺在良峯上源算上人退隱地如名往生院

後成勅願寺而避往生字改為三銘寺以山形相似

○源算因州人生時拜之路傍經三日無恙隣人拾之

及總角上睿山剃髮壯歲還俗四十五歲再返本山後

至西山良峯苦行且欲創道場其地岩右多難成野猪

數千鑿岩負土登朝見之地平均乃創寺自居住七十

餘年不踐紅塵或數日斷食多馬徒衆益繁厭其諠鬧

近處別構庵閉門宴坐承德三年三月逝壽百十七歲

觀念三昧院在三銘寺東坂

善惠上人墳塔也寶治元年十一月二十六日寂

○蓮生房建多寶塔於其地號觀念三昧院蓮生房俗名

宇津宮稱三郎賴綱元久於下野遁世上京到攝州勝

尾山師源空上人出家名蓮生房信願實正元元年十

一月十二日卒其墓有上人墳之側

勝持寺在西山大原野畧入原寺四宗兼學

行基菩薩開基四十九院之內有名花櫻世稱之花寺
秋紅葉之美景遊客群集於此如今繼存耳

植尾山西明寺 在高雄之北 號平等心王院

開基智泉上人師弟子大中興建治年中泉州植尾山自
證上人再興為律院今堂東福寺領三十五石

○中興明恩律師字俊正 姓中原氏康雄之子甫七歲從
高雄音海僧正讀內外典二十歲薙髮慶長徙居於富山
再興寺院荒廢矣慶長十五年六月七日寂

東寺 在九条大官 真言 寺領二千三十石

號秘密傳法彌勒山教主護國寺又名金光明四末
富大內裏羅生門之東方二町
東大官西壬生南九条北唐橋
往昔迎蕃客鴻臚館桓武天皇奉勅建之藤原伊勢人
嵯峨天皇弘仁十四年沙門空海賜之為伽藍以為鎮

護國家道場

河海抄云東鴻臚為東寺賜弘法西鴻臚為西寺賜宇
敏其後七条朱雀西寺今斷絕焉

南大門東金剛運慶作中門東雄夜叉
鎮宇稻荷大明神為密宗一家總鎮宇西雌夜叉

○釋實惠承和三年為東寺長者此任職始姓佐伯氏讚州人
初事大安寺泰基學唯識後從弘法大師稟兩部密法
住以東寺四年在河州觀心寺承和奏於東寺修春秋
結緣灌頂同十四年十一月十三日滅年六十三

大報恩寺 瑞應山 在上立賣千本 寺領百石余

本尊 釋迦如來 十大弟子 三宗兼學俱舍天台真
開基 求法上人 言今專真言

○求法名義空羽列人藤原秀衡之孫也父忠明嘗禱藥

師佛夢吞日輪而誕十五歲赴相列薙髮因鶴岡八幡
告登天台山謁澄憲和尚深得其肯兼稟秘密瑜伽研
俱舍既成欲創寺弘台密俱舍三宗乃請石清水北野
臺廟以乞陰相得靈地於是貓間中納言光隆卿家卒
有岸高者以己地捨上人承教結小室安本尊及十大
尊像貞應欲建大堂而無大柱之材時攝州尼崎有鬻
材富賈名淨金者夢老僧告曰我洛陽北隅見創寺汝
所藏巨材有可以為大光柱者為我沽之淨金許諾乃
以大報恩寺印刻其木頭而去覺後視之印文粲然淨
金感歎入洛尋之則千本大報恩寺也其夢中老僧者
十大弟子中迦葉尊者容貌也淨金不堪歎喜奉施材
木大堂不日而成於是造四夫主像禱至百日忽得佛
舍利五粒嘉禎承命弘通大小乘三宗仁治二年
四月三十日無疾逝貞治將軍尊氏命本寺行涅槃講
遂為常典每二月有遺教經會智積院僧侶來勸之

願成就寺

北野經堂也 大報恩寺未寺

鹿園院義滿公建立為山名氏清追善也

○山名氏清者時氏之子也有勇敢有武名嘗征南方之
敵有軍功其門葉繁殖而頗飽武恩一家之米地都十
一箇國也氏清為其長矣自稱南朝之勅卒其塔滿幸
襲洛陽義滿公氏清終伏誅而滿幸逃去焉將軍之威
於是益盛矣後義滿感前功之多載首於小案使諸率
拜之其黨軍死者首與此埋于內野傍建堂供一萬部
法華經以修追福後移于此北野經堂是也

上品蓮臺寺

在舟岡山下 真言寺領百十石

聖德太子開基中興寬空僧正號九品真言新義坊舍
十有余弘法大師母阿力號金峯山
○寬空姓文屋氏河州人師神日法師又稟宇多法皇密
灌村上天皇勅修祈雨法過期不雨君臣潛笑仍捧香
爐入宮庭立焚香誦咒須臾大雨降宮城而不到他方

時人奇之元康保為僧正天祿三年二月六日化年八十
光明山引接寺千本閻魔堂之南寺領七石七斗

開基定朝自作閻魔王
中興定覺上人新義真言宗與蓮臺庭前有櫻名普賢

像折花獻京師所司職則賜采三石余用之十箇日勤
花鎮融通踊念佛以為恒例此與壬生踊念佛古者刑

活速所吊刑獄者罪業遺法云云
定覺者政田氏肥後國人有睿山源信之徒也寬仁年

中始修大念佛
白毫院在寺中有紫式部及小野篁之塔婆

○閻摩王或名閻摩羅又中畧名閻羅此翻雙王孟蘭
盆記云兄及妹皆作地獄主兄治男事妹治女事故曰

雙王又十王經有十王之說
第一曰秦廣王不動 二曰初江王釋迦

第三曰宋帝王文殊 四曰五官王普賢

五曰閻魔王地藏 六曰變成王弥勒

七曰大山王藥師 八曰平等王觀音

九曰都市王勢至 十曰五道轉輪王阿彌

五道冥官五道者即地獄餓鬼畜生人間天人也冥
官者猶令吏也所以紀明其善惡神也

高雄山神護國祚寺 在喉峨之北隣愛宕山
光仁天皇勅願寺 寺領二百二十五石

沙門道鏡受幸於稱德帝為大飾且昇法皇位諡麗偽
謂入幡神託聖即帝位而和氣清曆詣豐後蒙入幡實

神託道鏡巧露流下野詳豐後且為鎮護國家可創伽
藍也因光仁天皇奉勅清曆建之初名神願寺桓武天

皇延曆二年改號神護國祚寺天長賜干沙門空海
金堂藥師五丈 脇士二軀七丈
講堂五大堂數多有 文覺上人再興諸堂

寶塔 真濟僧正建之世云棟本
鎮守 影向八幡宮在陰堂

○真濟姓紀氏洛陽人延曆十幼出家學大小乘兼綜外典從弘法受密法二十歲為傳法阿闍梨位入高尾峯不出十二年承和奉勅入唐洋中破船片木隨浪蕩漂

二十三日同船者三唯真濟真然二人得活南島人遙望海上每夜有光怪尋之得二僧得還於本朝嘗於當

寺建寶塔文德勅為僧正抗表讓先師弘法此時未因

空海共為僧正天安帝寢病真濟侍看護而崩後失志隱居焉與慧亮法師抗驗而不勝至此益快快情不滿

貞觀二年二月二十五日逝年六十一世謂材本紀僧正惑色而變天狗者恐流言耳

○文覺姓藤原字盛遠父名持遠年十八誤斬婦首因茲薙髮修行靈區回都至當山見寺朽頽勸化欲修營一

時入後白河院宮適有歌舞絲竹文覺推參捧疏高聲

呼稱紊絃歌上皇大怒鼠豆州先是源賴朝在干此

來謁乞剃髮文覺熟視曰公必領天下兵馬不可失也

後果如言故賴朝經院奏高雄寺再興成又修東寺又

依賴朝勸請辨才天於相州江島文覺在那智山寒天

七月立瀧下至凍死因不動尊擁護忽蘇生復受瀧水

竟三七日至後瀧水塔頭中有曼陀羅院此文覺住居

之寺也後山有文覺墓每七月二十日修忌日夜頂羅比花三月十日

乙訓寺 一名法皇寺 在今里村 寺領百石

推古天皇草創弘法補弘法於此寺別當推古帝一百年忌修曼陀羅供干茲其後寬平法皇為行宮故改寺

南禪寺伯英德俊禪師居之為禪寺今又真言宗守之

但與東山丈

早良親王桓武天皇以有事延曆四年籠干籠干當寺經十八

日後竄干淡路島傳詳上卷

貞觀寺 在

開基 真雅僧正

○釋真雅者弘法大師之弟也九歲出家入洛事兄稟密學十九受具足戒清和天皇降誕之初入宮加持焉相國忠仁公與真雅謀建精舍祝寶祚也後勅名貞觀寺嘗侍宮中誦三十七尊密咒其音清亮如鳴環珮貞觀六年為僧正聽轝車元慶三年正月三日化年七十五

鎌倉山月輪寺

在愛宕山鐵鳥居東十三町

本堂 千手觀音

愛宕山有五峯此其一也名大鷲峯而慶俊僧都草創也空也上人來往於月輪寺寒蟬龍龍女龍在坪方化

女來見上人日師誦經軸必有佛舍利與千我誦軸果如言乃授之龍女免三熱之苦蓋此山無水為報恩奉承即日自右崖鐫清泉迸出鹹用弗竭今云靈水是也凡稱月輪處有三處昔九條禪閣月輪屢昂此處

補陀落寺

在靜原村大原郡 真言

本尊 千手觀音

延昌僧正 今唯礎耳

○延昌昔惠亮和尚弟子也秦村上天皇之勅天德三年養父建立當寺水乏延昌誦尊勝咒忽冷泉迸涌應和四年五月十五日寂年八十五當時市原有補陀落寺小野小町四位少將塔有之

清閑寺

在東山

高倉院御宇佐伯公侍建立

高倉帝陵

小督局塔即帝之

以遺勅葬于此

般舟院

在五辻之南十軒

寺領五十石

號般舟三昧院

文明開基惠篤上人舊在伏見豐後橋

之北文祿三年秀吉公築伏見城時遷于此

神泉苑護國寺

在三条大宮通之西 寺領四十石

桓武天皇遷都後於此處建乾臨閣方八町園天子御遊之地有池弘法大師於是修請雨經行雲法之地也其後建寺院境內稍減今止方一町內有小池島有善女龍王及辨才天堂相傳此池每水清而不涸鳴如將有事則忽水濁

壬生寺

在五条坊門大宮西 寺領四十六石

本尊 地藏菩薩

稱徳天皇朝鑑真和尚開基有四號小三井寺寶幢往古律院西大寺派今為真言宗 每自三月十五日至二十五日勒木念佛有鑑真和尚像俗以為夜叉神誤也 坊舍有五院

勸學院

在壬生近處

嵯峨天皇建立左大臣冬副公願所

清和院

在一条七本松邊

元在正親町南京坊西寬文中遷于此

本尊

地藏菩薩

長一丈一尺二分

清和天皇御身長奉摸作之帝所持佛舍利為兩眼瞳震筆法華經納腹中

感應院

在清和院內

寺領四十一石

清和天皇貞觀七年建立開基

壹嶺往昔太伽藍有

初在鴨川西名河崎堂

○壹演法師嘗持觀音像欲得勝地安之負觀年中到鴨河西岸以為靈區建寺名感應寺一日老翁持釣竿出河中語演曰我此地主也自今應護伽藍我能除魔障及疫癘又結夫婦好調產育名牛頭天皇者也我好眠一歲中只五月五日醒其朝初起向天吐氣其氣或為雲霞為雨露為藥為毒皆是有情之業感也非我強為也言已形隱演錄神言奏朝勅藤原長良就其地七日夜行道念誦報神德

梅尾高山寺

在高雄之乾之東

寺領八十五石余

開基

法性房尊意傳見上卷

中興

明惠上人

金堂釋迦

三重塔

羅漢堂

經藏

鎮守四社

中央 大白光神

梵云鬱多羅迦神天竺雪山神也

右北 善妙神

新羅國女神以有華嚴擁護之誓

右南 春日大明神

同端 住吉大明神

此二神明惠上人始終擁護神一時降臨欲圖尊客奉問生身摸粧而頭面手足一一形質悉奉盡嘉復

十四年正月二日

後鳥羽院建永元年幸以梅尾山內別賜明惠上人造寺

號高山寺為華嚴興隆之地

有五院

○

明惠上人名高辨初名姓平氏紀州在田郡人父名重

國侍直母夢有人授柑子而有孕高倉院承安生形貌

端麗甫四歲父戲以烏帽安頭曰如是美兒安得早長

成加冠巾登仕途時兒私念我慕僧儀不覩官屬若以

容費擲之不知段層即自投庭下或近火爐以火箸著

臂九歲父母繼以從高尾山文覺讀俱舍頌不旬自便

能誦與群兒不遊戲若在天界以天眼定見我今不懼

十歲聞密乘習悉曇章十三修苦行夜潛往屍陀林

所止篋十六剃髮於東大寺戒壇受戒十九從興然阿

闍梨稟兩部密法而止北山梅尾盛唱賢首宗便於北

峯崇窟構一字常修佛眼明如法其應驗難計又修不

動法其修供之間識一蜂落桶裡又竹林中小鳥為鷹

擊呼待者良詮告之以救之一日截耳供佛前其血灑

佛壇及供器其色不變今尚有之蓋梅尾者古練若之

地廢地久矣高辨居此復院宇承元二年還紀州於內

崎山創伽藍四年又歸梅尾寬喜四年正月十九日

中放白光唱彌勒佛名卒年六十上人行狀云寬喜三

明惠上人始種茗實於當山之深澗而成茶園其美

珠甚勝為本朝茶園之始

善妙寺

在栲尾麓 尼寺也

明惠上人遷化三十三年後文永八年冬建之有阿難尊者塔蓋此尊者始度尼故尼寺崇之建

鎮守

善妙神 神傳記于前

觀勝寺

在東山

開基

行甚菩薩

在古為王城鎮護令一切經納四方山上現之岩倉是其一也

蟹滿寺

在相良郡結田村

本尊

釋迦如來 長八尺

相傳昔綺田有一女舉家信佛一時女出見里俗多捉也蟹女問何為取之乎答曰為煮食也女曰我家有美味脯魚請與此可換乎否俗喜乃交易之女放蟹於大

池焉父翁亦出野見蛇吞葢曰頂放去若然則以一女配于汝也蛇乃吐葢去其夜壯夫來敲門云因今日約來也翁驚怖云未嘗於女宜待三日而蛇退去女聞形勢云勿怖既而籠于一室向佛前讀經焉至期大蛇來以尾擊破戶入父母哭泣顛化耳里民來聚開戶見之女安然居矣有數萬蟹螯地遍身蛇為斃焉人僉為奇異而後建寺號蟹滿寺 近頃修葺時本尊

九品寺

在鳥羽

△按元享釋書為久世都又本尊為觀音者非也恐是虎關節所聞之差謬也

戀塚寺

在上鳥羽

○有安名阿都磨川名衣為原渡之妻當世美婦人也時遠藤武者所盛遠窺見彼妻之美神氣蕩喪不知所持遂劫其女欲為媒毋恐召渡妻泣語之妻以謂不從則

殺母不孝也從則捨夫不義也不如我死乃謔曰請入我室殺我夫然則可從于君蓋浴臥者我夫也證頭髮之濡而刺之盛遠大喜暗久刺其夫獲首提出而檢之乃妻之首也盛遠感妻之貞潔而撥喪身之禍且悔且泣雜髮為僧名文覺年十八而為妻營塚名曰戀塚

威王山剛福寺 在上久世村 號金藏院

本尊 藏王權現 立像三尺 役小角作

此佛像元在吉野山淨藏貴所蒙示現奉持建當寺以為本尊 二王門兩金剛 運慶作

迎陽山福田寺 在又世村

開基 行基菩薩 俊惠法師古跡

補陀洛山寶積寺

山崎寶寺 寺領六十石 離宮八幡

本尊 不動 毘沙門 行基作燒失後 安阿弥作之

聖武天皇神龜四年勅願 開基 行基菩薩

參河入道寂昭為中興祖 古者有十二坊

二王門兩金剛 運慶作 什物中有打出小槌

俗謂隱蓑隱笠打出小槌希有重寶有之者其蓑笠者人目不顯惜哉今無之小槌打出所好物自在也今有之而唯名而已又有儼之鬼面

文武天皇慶雲三年天下大疫流行故行基始為造儼法鎮之其鬼面也 儼之事詳 于時侯門

惟九人各持一物不令疫氣入

神宮寺

在離宮北 律相 寺領五十石

戒光寺

在山崎 真言 寺領百二十石

山崎寺慈信有神與常飛鉢乞食故世號生鉢上人延喜年中往攝州中山寺向觀音像祈曰求靈區安置焉像夢告曰山城山崎民緣熟乃移像於彼又飛鉢求營造邪輩多作侮慢咸受病改悔者疾盡愈焉不日而成埋慈信所持鉢之地呼曰鉢尾村

△按飛鉢乞施與者不獨慈信而越前泰澄播磨法道皆亦然別有秘術為之乎不傳來可惜

大悲山觀音寺 在山崎 真言

寬平法皇御草創 延寶九年木食以空上人再興

吉祥院 在東寺地

相傳菅丞相之北方名吉祥女墓曰地建寺元慶四年

智福山法輪寺 在嵯峨大井川西 寺領七十石

開基 道昌 本尊虛空藏 初號葛井寺

傍有井道昌汲之垢離時星天降因名落星井其幹上

建小社為鎮守 空也上人 天慶勸貴賤再興

○道昌姓秦氏讚州香河人幼出家學三論九於東大

寺受戒又從空海登灌頂壇 天長召為佛名懺悔導師

或日冥坐虛空藏菩薩現衣袖上乃截袖圖之安法輪

寺元觀為三會講師先此 承和 大井河益道昌董抄

衆人子來不日而成故老拭淚曰不料今復見行基菩薩
六續十為僧都同十七年二月卒壽七十八講法華
五百七十座

受宕山清涼寺 嵯峨釋迦堂 真言寺領九十七石

開基 恒寂法師 本尊阿彌陀 初名棲霞寺

法泉院 虛空藏者 五大堂 大威德天 作

釋迦如來 毘須竭摩作

舊左大臣融公山庄棲霞觀也貞觀年中改為寺賜之

空海住持以恒寂 皇和天皇 為開祖

寺務大覺寺二品法親王 寺領千十六石余

嵯峨天皇陵 檀林皇后塔 恒寂法師塔 大臣融

主齋然法師塔 定家卿塔

一條院朝東大寺齋然法橋入 宋國於聖禪院禮優填

第二摸像乃雇佛上張榮摸刻而得之乘鄭仁德船歸

又獲一切經五千四十八卷十六羅漢畫像來到清

法苑珠林卷之三十一 卷之三十一

寺大臣公卿下軍拜之其優填摸像見今在嵯峨清涼院元亨釋書

大竺優填王在祇園精舍誦毘須羯摩以赤梅檀摸刻生身二傳尊容然佛滅後有弗舍密多主亦云天下佛法於是鳩摩羅炎取佛像迺至北天竺龜茲國其後入且國而裔然入宋時因夢想取來蓋彼像在汴都聖禪院裔然令佛工摸刻新古換之取真像來矣

○宋史云雍熙元年日本國僧裔然與其徒五六人浮海而至獻銅器十餘事并本國職員令王年代紀各一卷裔然衣緣自云姓藤原氏父為真連裔然其國五品品官也善隸書而通華言問其風土但書以對云國中右五經書及佛經白居易集七十卷並得自中國土宜五穀而少麥交易用銅錢文曰乾元大寶畜有水牛驢羊多犀象移字音產絲蠶多織絹薄緻可愛樂有國中高麗二部四時寒暑大類中國國之東境接海島夷人

所居身向皆有毛東與州產黃金西別島出白銀作別備以為貢賦國主以王為姓傳襲至今王六十四世文武僚吏皆世官太宗召見裔然存撫之甚厚賜紫衣館于太平興國寺上聞其國主一姓傳繼臣下皆世官因歎息在留六年賜永延元年二月歸朝長和五年卒贈號弘濟大師

大念佛 每年三月九日至十五日弘安二年始御身拭 每三月十九日未和始二水記云永正元年三月十九日嵯峨釋

牛華慢 安嘉門院高倉帝御車牛名唐肥大美而女院最所愛寫其牛像於華慢掛清涼寺本尊之帳見駿牛繪詞按牛死哀悼之余寫其形吊苦提矣然好事者立異說因泉恐妄誕也女院不幸耳當寺納愛宕神輿明胡以迎送神寺雖有山下屬神地題樓門曰愛宕山

口莫三十四圖會 一哉 卷三十三之末 〇三十一

廣隆寺

在葛野郡太秦

寺領六百石

本尊

藥師如來

有九坊

其一坊名老勒松尾社神事最有謝料古例也

推古天皇

承聖德太子命

秦川勝建之

又名秦公寺

聖德太子

十六歲同三歲御影

有束帶木像天子每即位後一

度賜御衣

令著之以為恒例

每八月二十二日有大法

事寺內有并名

九月十二日祭僧

被鼻高面背向藥師

讀經一異也

昔向日明神前有一木有一樵夫以此木作藥師像而

入社殿矣

知向日明神之所作也

靈驗多延曆十安彼

像於大原寺

帝勅

又安于願德寺清和帝不豫時勅廣

隆寺道昌僧都祈之

請迎願德寺藥師於當寺

勅許祈

之立平愈

秦川勝

父祖名秦始皇之後身

帝朝和州初瀨川洪水

得大甕中有兒成長賜姓為秦依川出故名川勝

干傳在

州大酒

社之下

△按是恐偽說也先此秦漢及三韓之人時時來住有

秦氏漢氏百濟氏等雄略帝秦酒公賜生日宇豆麻佐

蓋川勝亦其秦氏之苗裔矣而此太秦者乃川勝之領

地乎性敏悟習得異域之舞樂且從聖德太子作倭樂

凡樂家者流以川勝為祖

救世觀音

坐像長二尺八寸

扶桑略紀云推古帝十一年自百濟國獻金銅救世觀

音像聖德太子曰誰得此像以茶拜時秦川勝進曰拜

之便受佛像因以造蜂岡寺同二年自新羅國獻金銅

彌勒像高二尺亦置蜂岡寺此像時時放光同三年自新

羅及任那貢佛像一軀金塔并舍利佛幡等即居佛像

於葛野秦寺鎮守神三十八所

岩屋山金峯寺

在洛茂亥

開基弘法大師

本尊不動之大師有岩窟香水及龍

遍照寺

在嵯峨廣澤池之乾僧正通昭之宅地

開基 寬朝僧正永祿元年十月廿六日供養

○寬朝宇多天皇孫敦實王第二子也從寬空阿闍梨稟密旨居當寺落密肆世稱廣澤密派永觀元年為圓融寺落慶導師寬和為大僧正善聲明般若理趣分作音調誦之密學者傳其韻弄長德四年六月二日寂十一年八

海印寺

在粟生之西

開基 道雄僧都 號木上山寂照院

○道雄姓佐伯氏敏悟過人從慈勝法師受唯識之旨尤通因明論又依長歲和尚學華嚴宗又就弘法大師習密法欲創伽藍未得勝地一夕因夢想於乙訓郡木上之境經奏造寺置華嚴教每年度二人于今不絕仁明天皇嘉祥任僧都仁壽元年六月卒

音羽山清水寺

在洛東山

寺領百三十四石

本尊 楊柳觀音 坂上田村麻呂建立

與院千手觀音 行曆居士草庵跡

地主權現 鎮座大已貴命 在本堂之後

田村堂 在塔之東有田村將軍并鈴鹿御前影像

經書堂 在清水坂

○釋延鎮延仁有夢事泝淀河而行見一支流有

金色窟其水源至瀧下側有庵白衣翁居焉問其姓名

答曰吾名行春隱此地也凡二百歲持千手千眼神咒

待汝者久也我有東州之行汝暫替我棲此又宜建練

若庭前有株枿以是欲刻大悲像我若遲歸汝先營之

言已向東而去過期不返一日到山料東峯見翁履恐

彼翁觀音之應現也便欲刻像無資經年月相武朝延

針七坂上田村丸獵鹿來此延庵延鎮說件事田村感

嗟移自宅為寺令刻像置焉

延曆七年東夷蜂起以紀古佐美為征夷大將軍討之
 而不利歸年十遣大伴弟麻呂坂上田村丸等征之
 六田村任征夷大將軍翌年田村建清水寺
 東高丸攻上起於達谷窟來干駿州復田村奉勅征之
 仍乞延鎮法力鎮諾焉田村追戰于奧州官軍矢盡于
 時小比丘及小男子拾矢與之田村射高丸斃于神樂
 岡獻首於京先詣當寺賽謝蓋修勝軍地藏勝敵毘沙
 門法造二像祈之也今入殿見像有矢癡乃痕而泥土
 塗佛足也因知軍中拾矢二人者彼二佛也田村大驚
 奏之帝殊加敬也田村丸傳見江州之神社
 ○主馬八昂盛久主馬八昂通盛國米子平家滅亡後竄于京都嘗作
 等身千手觀音像安于清水寺本尊右傍千日參詣焉
 賴朝公令北條四郎時政探求之傳聞盛久每夜詣清
 水寺仍待之遂生捕送于鎌倉令梶原景時問盛久之
 宿願肯趣而不自狀雖然以平家重代家人仰土屋三

昂宗遠取治行時於申北濱然頸時向西念佛又向
 南念佛數十遍而宗遠將打首其大刀折復打之亦然
 特光明二筋照盛久身宗遠驚遣使訴其行狀且賴朝
 北方夢老僧來請盛久赦免北方問曰汝誰人乎答曰
 我洛陽東山清水邊僧也覺告于賴朝因被省盛久死
 罪復賜紀伊國之內本領此事不見于棟橰之耳盛久
 頭座芝在鎌倉塔道南島端芝六七天四方有之也

子安塔泰產寺 在清水樓門前

光明皇后由伊勢大神宮瑞現獲一寸七分觀音像產
 孝謙天皇因茲天平二年於轟里建三重塔安彼靈像
 號泰產寺俗稱子安塔

法琳寺 在小栗栖

仁明天皇承和七年御草創號太元堂賜于常曉
 常曉小栗栖路傍棄子也稍長師事元興寺豐安承和元年

入唐遇栖靈寺文際真密教和八年帝人也又謁花林寺元
昭益寃密與授以阿闍梨位又授太元帥秘法此法彼
國不出都下畿外人不許修供而喜照之才器潛授焉
明年歸申官於當時修太元帥法齊中天下大旱勅於
神泉苑亦修之白龍現幡上大兩普灑貞觀七年十一
月三十日逝

笠置寺

或用鹿野字

在木津川巽二里許

解脫上人設般若臺居于此其岩石嶮阻要害最良元
弘年中亂楠正成爲城塙後醍醐天皇皇居跡有之

有解脫上人塔

有城主藤堂和泉守塔

○解脫上人名貞慶藤原尚書貞憲之子也母夢高祖來
自稱曰貞慶入懷而有孕成長薙髮後奉書於母署曰
貞慶與母夢想名以同爲奇投興福寺出家有才譽應
寂勝講詔而貧乏借乘僕於人會衆皆匿笑其弊不講
已直入止笠置窟後鳥羽院帝好楊柞遊能射暮年懺悔營

佛宇薦鹿菴聞慶之德聖召爲導師貞慶徒步搗碎破
笠在龍入宮以杖笠置階側便上殿陞意氣自若上皇
以下貴其朴素既而登座詞辯婉暢君臣無不感嗟詣
春日神祠群鹿皆折前足建曆三年二月二日卒年五
十九

海住山寺

在木津川東南山

天武天皇勅願

開基仗行者

中興解脫上人

安樂壽院

又石上菩提院

在伏見竹田

寺領五百石

鳥羽法皇建立於此處崩御葬尊骸於本尊臺座下以
八条女院殿葬新御堂下坊舍十二坊皆近臣後裔至
今無斷絕
不動院真言
在竹田古爲安樂壽院之內

六地藏

在伏見

文德天皇仁壽二年小野篁造地藏六軀安之伏見法
雲山大善寺是也其後白河院保元二年平清盛公分

之六所西光法師建之六所同時供養每七月二十四日以為功德日故今雖有一鉢以六地藏為處名

一番 在御菩薩池 二番 在山科 六所行程

三番 在伏見 四番 在鳥羽 凡十里許

五番 在加豆良 六番 在常盤

蓮華三昧經云地藏有六種名蓋一體分身而導地獄餓鬼畜生修羅人間天道之六也其名有異說

檀林一寶珠一寶印一持地一除蓋障一日光

因幡堂平等寺 在松原通烏丸 寺領四十石 一條院長保五年因幡國司大納言橘行平鄉息光朝法師本願建立 本尊藥師如來 坊舍八坊 足利義教公再興有自筆緣起

吉祥山安祥寺 在山科 仁明天皇皇后孫順建立開山 弘法大師真雅兩師

鎮守 日吉稻荷兩社

文德帝朝 齊衡從五位下紀朝臣以粟田山施入于安祥寺

高喜寺 鷲峯山 在愛宕郡八坂里 寺領五百石 豐臣秀吉公北政所湖月尼公慶長辛中建立此地往古雲居寺境內也

尼公以下長嘯子及木下氏一家有塔婆

○長嘯子初名勝俊其先尾州人也以秀吉之姻家故早

祥拾遺累遷羽林次將封若狹國善作和歌最顯其名矣後遁世而住洛東靈山自稱東山夢翁賞風月耽山水後卜居於大原野其平素所詠吟之和歌若干首名曰舉白集行于世矣

谷堂最福寺 在松尾社南 天台

開基 延朗上人

○延朗 源氏但州養父郡人八幡大即義家曾孫義親
 義信之子也母平氏生有異質頂隆起如肉髻目有重
 瞳及二親喪讀釋典歲四投園城寺學台教蓬濤元祐
 值國兵起遁去至奧州松島嘗咒香水與諸病人飲者
 皆愈元安元遷松尾最福寺於是 翌年穿大池建殿於其
 上池側有大石老翁常坐其上延朗問何人對云松尾
 明神也擁護師法聽師誦法華故數來耳源義經重其
 德捨丹波刈田莊充衣鉢然三年不取其租賦且曰汝
 等能唱一萬佛名免租一石以故念佛者衆又延朗曰
 我滅後西山高峯有光明起其處我墓也承元二年正
 月十二日逝果西峯有光立塔於其地弟子勝月上入
 建寺號法華山寺俗曰峯堂入丁唯旧跡耳

櫻元菴

在山田村嵯峨法輪寺之南

有巨櫻樹一株呼曰西行櫻西行菴旧地又有稱西行田之田地

西行俗名佐藤兵衛尉藤原憲清清世源武衛校尉康
 清之子也達弓馬習管絃善和歌出於奧州奉任鳥羽
 法皇為北面衛士每應制獻和歌恩遇日渥然有避世
 心不屑恩寵有從弟佐藤憲康者同退於公時憲康曰
 先祖秀卿征叛夷以朝廷藩護其餘慶延至于我儕而
 朝恩稍厚然人間榮耀不可久恃山林之下豈無所係
 慕乎憲清感泣而相別明晨憲清為候鳥羽院往過憲
 康之門時家奴曰昨夜主人俄沒其母歲七十憲清大
 驚稱觀無常而後奏請遣世之望上皇不肯容然不得
 止遂出家改名號圓位後改名家僕又出家相從詔曰
 周遊天下歷見之地皆以詠和歌將赴關東草鞋竹杖
 到遠江國天龍之渡寄身於武夫舟乘人多舟將蕩翻
 僉曰僧等可自舟下西行曰便船娘僧之常不退一人
 怒扣西行頭出血西行無積下舟而去西住見之悲泣
 西行曰余出塵固知如斯事猶有大於此何爭乎意乎

汝不可得宜歸卿西住自此相別獨專行脚崇德三年而後往江口里與遊女有問答和歌疇舒所往鎌倉道見于賴朝于塗延入營中問和歌及弓馬之道翌日退出賜以銀猫拜受出乃與門外遊兒而去文治二年七月建久九年二月十五日寂每願佛入滅日往生

小鹽山十輪寺

在西山大原野天台宗

在原業平卿燒鹽之地當初鹽井

花山院從一位左府定好公父母子孫塔業平父母塔在十輪院

元慶寺

在山科天台

本尊 藥師如來 陽成院元慶元年草創

○僧正遍昭俗名良峯宗貞門下侍孫仁明天皇寵遇日渥暘元暉三帝崩不堪哀慕即日登睿山薙髮於慈

覺之室學台密元慶三年為僧正俗稱花山僧正勅為元慶寺座主寬平二年正月十九日化壽七十四通昭地有俗西廣澤之西此建寺名遍正寺釋安然者傳教大師之系族也聰敏邁人登睿山於慈覽之室究顯密奧秘又就花山遍昭重受胎藏法涉獵經論馳騁百家作大悉曇章等深得梵學奧旨勅元元慶寺傳法阿闍梨

明星山御室戶寺

在宇治天山口

本尊 千手觀音張六尺 順禮第十番

光仁天皇勅願開基 智證大師 中興觀空上人

平等院

在宇治

後冷泉院永承六年建立供養御堂關白賴通公

扇芝形似開側有松繫馬之繩痕

源三位賴政者賴光之後參河守賴綱孫兵庫頭仲正

之子也勿善射善和歌射雲間之怪鳥而近衛帝之不
豫乍止又二條帝時射落天上之鶴其名大顯保元平
治之役有忠戰治承四年謀滅平家不成五月二十六
日於平等院數處自殺其子仲綱兼綱同自害

朝日山惠心院

在宇治

天台

本名龍泉寺弘法大師撰唐青龍寺創建當寺號龍泉
寺真言靈場也後台嶽惠心僧都傳見于此來住於此
說法竟改稱惠心院僧都鏡影像及速來迎彌陀畫像
等有于當寺

六角堂頂法寺

在京誓願寺通鳥丸

天台

本尊 如意輪觀音 順禮第十八番
開基 聖德太子 寺勢 勝仙院僧正聖德太子山伏山伏
坊舎有五軒 池之坊 立花之宗匠也
聖德太子通游海濱見淡路海上有打毬願浪來取毬

乏有如意輪觀音像悅而奉持常不離身而後管四天
王寺采材於諸處來此地像亦持來夜夢宜安於此乃
傍有大杉便斬創殿其杉甚大不雜他木一株而成其
宇六椽故名六角堂焉桓武天皇迁都時官司畫城路
此宇當中途官司患如之何時黑雲下垂覆宇乃躍北
而避之其遠五丈

立花之事

相傳插花於瓶也肇於聖德太子時矣至將軍義政公
嗜茶會而立花遊興盛行而同朋專慈最善之天正五
叶七七著花傳抄六角堂池之坊累世以尊字為名中興
有尊好者堪能定法式家有小卷物大卷物及秘傳抄
而門人習之凡燕子花春蓮華夏菖秋水仙冬松四時
謂之一色五種又櫻雜冠木之一色乃花葉之至極共
是七種也牡丹石蒜石楠花竹檜謂之胴作之五種矣
万年青小貫眾松謂之前置之三種苟不口授者不得

云也樹入花于筒亦各有仔細

雲居寺

在東山花園院邊

仁明天皇承和五年

淨藏實所建之

崇德院天治二年

西山上人再興

○淨藏實所者三善清行之第八子母弘仁帝孫女慶天
 人入胎內娠寬平三年生四歲讀千字文聞一知二七
 歲請出家父戲曰汝欲出家當作一靈應不然不可失
 先業也時庭梅花盛召神人令折一枝來而獻之感怪
 無言兒事修練或棲稻荷山令神童執花水或渡熊野
 河遇洪水得異舟十二初見實奉法皇奉勅上叡山受
 戒稟密教於玄昭法師學悉靈章於大慧法師凡天文
 易筮醫卜絃歌文章伎藝莫不貫攝而皆拔萃也在橫
 川如法堂一夕旋庭便也俄有異人自西來曰我是賀
 茂明神也昔慈覺大師令京畿二百餘神番護此地今
 日我之直也庭下有穢我欲責之而師之所為也因召

神人穿去其地方五尺餘

延喜九年左大臣時平受管靈之誅沉痾彌留請師持念白
 晝青色二龍從時平左右耳出頭論善諫議淨藏曰我
 告天帝報讒恣而貴子淨藏法力抑我乞加嚴誠諫議
 令藏潛去繼出門即時平薨

延喜二年唐僧長秀越鵠與父共行波斯國時漂蕩其父
 風病發惱著日本國病倍苦痛醫藥無驗長秀請天台

座主增命僧正乞咒治增命曰我國靈感之者十人淨
 藏第三也遣之藏誦藥師咒秀疾立愈秀感狀曰我國
 隣印度未有如是異人

天慶三年正月奉勅平將門降伏于時將門帶弓矢立燈籠上
 後自傳曰平賊入都人皆騷動淨藏奏曰勿怖是只其
 頭而已果賊首至京師

天曆寓入坂寺時塔傾向王城人皆怖之淨藏夜坐露
 地向塔持念微風自西北來塔搖寶鐸作聲朝見之塔

端直也人甚嘆嗟之又或人嘯袈裟淨藏被之口出火

燒而內衣不焦蓋血穢婦人之剪裁也

寬平上皇犯之時受在病醫巫不効奉勅加持即愈上

皇起拜

詣熊野山於中途聞父清行延壽十八年逝去而馳歸

已經五月待淨藏歸來未變加持獲生清行著位袍而

拜藏後經七日遂逝矣

真濟之怨靈化異小僧降來劫玄昭法師心身惱逼淨

藏加持愈玄昭被法服而拜藏

凡受若父師之拜也未曾有之大德也其他靈驗不可

勝計康保元年十一月二十一日化壽七十四歲

右元亨釋書奇異雜談等所載之靈異畧同

○東岸居士雲居寺之優婆塞也自少壯留志於頓宗以

榮禪為業以自然居士為師而有髮俗衣而登高座說

法或打腰鼓踊躍或執扇而舞其行業人皆無得計人

華堂行願寺

在寺町竹屋町 寺領二十石

本尊

觀音 長八尺 行圓上人建立

初在額變後寺室永

順禮第十九番

○行圓鎮西人姓氏未詳為僧每念持千手大悲之陀羅

尼而無他念一條帝時竟弘二年遊于京洛嘗好異風

頭戴寶冠身被草服人以為異呼曰草上人欲得好材

刻觀音像一夕夢沙門來告曰明日當得異材也翌朝

又一僧來語曰加茂神祠側有一槻木不知幾千歲自

古以為異木故雖久倒仆有之人不敢斫古老傳曰是

別雷神同母神天上再降臨于此樹下之靈木也汝乞

神官宜刻菩薩像也行圓喜詣加茂告事神官許容令

得之不日而佛像作成長八尺一手大士也建寺號行願寺安彼像以師衣草俗呼名草堂其後仁弘法師得右餘材作觀音像安良峯寺

神光院 醍醐金剛王院兼帶 行圓上人作草堂觀音之地也後建寺

松尾山鞍馬寺 在王城北三里 寺領二百二十六石

本尊 毘沙門天 寺勢 青蓮院官 天台 坊舍七軒 藤原伊勢人修造 延曆 開基恒真和尚

請峯延法師令在住于時山間有大蛇諸民驚怖之且有沒命者於是峯延誦多門天咒伏之大蛇忽所斬死藤伊勢人來見其形勢使人數五十乘蛇骸於靜原山今呼其處曰大蟲嶽 元亨釋書 大中大夫伊勢人嘗歸佛欲得勝地建寺安觀音因貴

船明神靈夢求靈地於城北蓋有常所騎白馬裝鞍令童僕乘之任馬行乃至山中駐第草中童還告事伊勢人往見其地適於第裏得毘沙門天像刻一字安像故號鞍馬寺又以爲我欲安觀音像今只置多門天願未果乎其夜夢告曰當知觀音多門名異體同覺後解疑後又營一堂安觀音今在寺之西又一說云天武天皇與大友皇子合戰天皇遁於此處御馬未卸鞍而所繫呼其地名鞍馬 每六月二十日有竹切之行 僧正谷 源義經爲兒時逢會具人於此 時習劍術云云未詳其實否也

補陀洛山六波羅密寺 在清水寺南 寺領七十石

村上天皇天曆五年 空也上人建立

○空也 名光勝未詳姓氏於尾州國分寺薙髮爲沙彌時自稱空也少好佚遊天下殆修行所過之道多爲利濟

荷鋤鑿嶮拾石鋪濕架破橋修廢寺無水之地穿井其
 水必甘冷九年入京於市中唱彌陀名號勸化人呼為
 市上人九年曆上天台從座主延昌得度同五自刻十一
 面觀音像建六波羅密寺安置之居德郡峯合寺看
 一切經又在雲林院時松尾明神來現假空也之衣裳
 云與羽二羽佛化少至也負像經往彼說法順化者多
 圓融院朝天祿三年九月逝壽七十

紫雲山極樂院 在四條坊門油小路西入町

開基 空也上人當寺一老空忍優婆塞也世稱鉢敲也

○鉢敲頭髮與尋常俗無別著編綴浴內外往來敲瓢箪
 唱名念佛又販茶筌為業自十一月十三日至除夜每
 夜半以後巡五處尸陀林墳墓以為三東方靈廻向空
 也上人法流而本寺在四條坊門油小路號極樂院相
 傳往昔空也每夜修行暫寓于貴船時每夜鹿來侍坐
 啼如文一夕不來蓋為平定盛所殺上人愁之乞得其

骸而皮為裘角為杖首定盛悔殺生罪成念佛修行之
 徒今極樂院十八家鉢敲者彼末裔也古者敲鉢今代
 瓢箪

西光寺 在山科 時宗

空也上人迂化之處天和元年愚性和尚京寺町大再

興有空也塔

十禪寺 號柳山 在山科四官

本尊 觀音 聖德太子作 明曆年中本院御所再興

靈山正法寺 在東山清水寺麓 寺領光三石五斗

元祖傳教大師 中興國阿上人又號德禪寺

有坊舍十箇寺皆稱宣阿彌恩阿彌等也

金玉山雙林寺 在東山吉水之南 寺領廿四石五斗

本尊 藥師 有坊舍五軒是亦皆阿彌號也

左大史尾張定躬建立 中興國阿上人

平泰賴入道塔飯後隱居于西行法師塔 頓阿塔

和漢三才圖會

東山長樂寺

在吉水之内

時宗寺領八石四斗

宇多天皇朝建立

中興阿證坊印誓上人

九山安養寺

在吉水

同寺領八石三斗

慈鎮和尚再興天台宗

自中古為時宗坊舍五六軒

皆呼阿弥號

丸山嶺有古塚以為將軍塚或云是塚花園帝陵也將

將軍塚者在泉涌寺山上

將軍塚

桓武天皇遷都於平安城時造八尺土偶人著

甲冑帶大力向帝都埋於此以為鎮護如將有災變則

鳴動

一條道場

在寺町一條

寺領十八石

四條道場

在寺町四條上町

寺領二十三石二斗

名錦陵山金蓮寺

廣議門院本願

開基淨阿上人

往昔具平親王之宅地

頓阿法師墓

六條道場

在寺町錦小路

寺領四十石六斗余

名勸喜光寺

開基一遍上人

傳見相州初在六條天

正年中移于此有管神影像及大力等什物多

七條道場

在七條東洞院

寺領百九十七石余

名金光寺

開基一遍上人

敷地元佛

市屋道場

在六條北富小路寺領二十八石四斗

名市中山金光寺初在七條北堀川西市町空也上人

之開基中興為天台宗弘安一遍上人來修禮讀念

佛時住持唐橋法印復歸依之改名作阿時宗

大炊道場

在京極大炊御門寺領七十四石六斗

名聞名寺始有一條油小路又內在秋野道場

法國寺

在東山

寺領百三十七石

大谷道場

在京極

寺領七石五斗

印禰寺

在京極

寺領二十三石

和漢三才圖會

山城卷之三十一

寺領

御影堂

在五條橋西

號新善光寺此同
名京有三箇寺

一遍上人第二世應阿彌自作如來為本尊其後平敦盛妻成尼住當寺以來寺中多有尼作摺扇為業寺中十有五箇寺皆號香阿彌珠阿彌等

來迎堂

在富小路六條坊門一名新善光寺

本尊 如來

信濃善光寺肖像初在五條堀川西今遷于此

寶福寺

在三條西郊外石地藏寺領二十三石

舊有鳥部野聖武朝行基菩薩始置山城五尺陀林此其隨一而名鶴林治安三年藤原道長公葬于此其後他阿上人遊行第住持焉慶長之初營豐國社為避火葬臭氣不淨移于建仁寺門前後又移于當處所謂五尺陀林者鳥部野中山最勝河原東寺西野狐塚鶴林也

時宗多妻帶僧也九山靈山所居婦妻稱保保其髮皆肩以上切揃而不結甚異容也如有姪者隨月出于里

產但不許嗣父母寺役養他子相續也每臘月末至元日十日精進浴水垢離六時勒行以為年中滅罪寺法

來迎寺

在北山大原 大念佛

大念佛宗開基 良忍上人

○釋良忍尾州富田人也登叡山聞台教隱棲大原山創來迎院一日異人來言曰師盍唱融通念佛乎忍曰何謂對曰以我所唱融會衆人衆人唱又通于我是融通念佛也其功踰獨稱不可勝計師願以此事勸誘四海我又廣偈天神地祇耳忍曰公誰乎對曰鞍馬寺毘沙門天也語已不見忍自此常唱融通念佛又作疏博勸四衆崇德天承二年二月朔日化

寂光院

在愛宕郡草生村大原之與小鹽山麓

本尊 地藏長八尺內陣長押間有六方体地藏
開基 良忍上人

建禮門院塔 在後山

文治六年八月女院結草庵閑居之地貞應二年薨去
年六十一

融通寺

在寂光院近處

崇德院大治二年開基 良忍上人

五山佛閣

天龍相國建仁東福萬壽之五箇寺
准唐天海寺例南禪寺為五山之上

瑞龍山天平興國南禪寺

在東嶺栗

寺領五百石

龜山法皇御願

惣祿領千石

○開山大明國師普門號無關信州人初在東福寺入采
後宇多天皇歸朝年應龜山上皇在龍山之離宮其宮
弘安三年中有怪異嬪妃遭魅惑朝儀紛紜或曰此地妖怪自古
有之而非佛居不可時南都睿尊有戒行譽勅接宮圍
率二十沙門晝夜誦密咒而妖怪不止辭而避之帝召

普門曰有宮怪師能居之乎普門奏曰妖不勝德釋子
之居何怪之有乃挈袂子而居只禪坐而已然妖怪沮
上皇自是傾心於宗門為當寺開山正應四年十二月
十二日化壽八十賜謚大明國師又名佛心禪師
有塔頭三十一院

靈龜山天龍資聖禪寺

在葛野郡嵯峨大井川北岸

尊氏將軍建立

寺領七百二十石

此地本龜山院舊跡光明帝曆應二年奉勅建尊氏夢見金龍出於
寺之南河中故得天龍之名

○開山夢窓國師姓源氏勢州人宇多天皇九世孫也嘗

繪死屍九變之相慨然有未道之意十八為僧夢得達

磨像偏入禪門謁一山寧于相州勅領南禪寺及天龍

寺延入宮中王妃多為弟子光明院勅賜號正覺主天

龍寺席再轉法輪寺數推魔壘以年老隱居尋示寂

有塔頭二十二院

雲居庵之塔頭庭有奇石生苔琢之納櫃其大七八尺廣五六尺件石有四句文字乾坤之內中有下室秘在形山

曹源池

在天龍寺境內

○兼明親王醍醐天皇第十六皇子母參議菅號二品親

王中務卿前中書王玉一條院具平親嘗為小野宮右府

實賴所忌隱於嵯峨龜山長於詩文音樂亦能書世傳

老君子曲親王之所作也初居龜山之木作祭文祈龜

山神忠泉忽湧今猶在山下篁中曹源池是也唐張誠

一嘗覽皇子真跡薛嗣昌臨之乃為石刻其與書日本

艸書如唐人學二王筆也云云

萬年山相國承天禪寺

在洛陽上立

將軍義滿公建立

寺領千八百三十石

後小松院永德三年開山夢窓國師

初以妙菴為開山

菴為二世妙菴

諱麟曆後醍醐

賜國師號始為僧錄司

鐘樓堂

南都元興寺之鐘也鹿苑院殿取之寄於當寺

七重大塔

高三十六丈寺之北富小路之東名其地曰塔之壇

伏見殿八條殿及足利家塔婆有塔頭二十七院

林光院塔頭之內

有名木鸞宿梅今其古株殘

東山建仁寺

在洛陽祇園西南

寺領八百八十三石

源賴家公建立

建仁元年

開基榮西禪師

○榮西姓賀陽氏備中國人薩摩守貞政曾孫也姪八月

而生八歲讀俱舍頌十一師安養寺靜心十四落髮登

睿山戒壇十七受求聞持法十九從睿山有辯學台教

六條院仁安乘商舶入宋宋孝宗帝適遇後乘坊重源

伴登天台山九月重源共歸朝得天合新章疏書又欲

童到天竺拜牟尼八塔文治復入來自臨安府乘舶將

渡天竺逢逆風及温州下舶見萬年寺故禪師天台數

有問答師感悅付僧伽梨曰釋迦付屬迦葉二十八傳
至達磨六傳至曹溪又六傳至臨際八傳至黃龍又八
傳至予今以付汝歸國以為法信又投應器坐具寶餅
柱杖白拂既而歸朝舶著平戶島葦浦後鳥羽院遂入
京始行禪規嘗榮西形短同學人嘲曰雖才辨身體早
矮榮西應聲曰真舜王赤縣晏嬰相齋國皆未聞長也
同學羞澀而實恥之以求聞持法期一百日祈之始入
壇時於堂前柱刻身長過期見之長於前四寸余建仁
提樹栽東大寺又分枝栽建仁寺東北隅建仁勅主東
大寺幹事賜紫衣建仁保擢僧正嗣三在相州鎌倉營壽
福寺同七月五日寂壽七十五智見廣大三閱一切經
先此傳教大師雖禪宗兼學不弘于世故榮西為元祖
嘗曰我沒後五十年禪宗大興于世果然也其著述書
多行于世謚千光國師有塔頭二十五院

石塔

警者檢校為法會每二月十六日光孝天皇宮兩夜皇
子忌日於當寺清聚庵掛皇子畫像為法事讀經畢後
咸出四糸河原以石立塔供養香花拜之呼曰石塔會
又六月十九日為如斯法會謂之納涼會

惠日山東福寺 在浴之東南 寺領千七百十四石

九糸道家公草創四糸帝時開山聖一國師

○聖一國師門前街道有橋北名一橋愛名郡姓平氏駿州久能人母稅氏

夢採明星先而有孕後常夢青衣女相從疑怪之至久
能山始見辨才天畫像與夢女無異乃知辨天之擁護
也至九月胎中有聲建仁二年十月十五日朝生時雪
降焉明年冬見雪問是何耶母曰雪也兒曰我誕時有
之性以五歲入久能堯辨法師之室十歲學合教十五

歲則止觀講席至故四諦外別立法性之句講師帶遊
 兒進前解釋詞義渙然講師嘆曰是處前昔猶病童雅
 解之也十六歲修三大部十八雜髮於園城寺登東大
 寺戒壇入京潛聽外學入往上野長樂寺從榮朝建仁
 西之稟禪門系圖經年歸久能山逢見西阿闍梨蘊密
 宗之秘印又游相州壽福寺聽了心之講首楞嚴而加
 難問了心煩解答了心為東國於是入宋欲求師四
 嘉復著明州津宋理宗帝逢諸處高僧扣其奧旨又至
 徑山寺見無準禪師一見器許竟授師祖法衣並宗派
 圖法為傳淳祐元年四月歸朝仁治居崇福寺承天寺
 等盛唱祖道於時太相國道家招入京問法自書聖一
 授之後嗟哉帝受戒後深草龜山之二帝續受戒大相
 國創東福寺令居之未成內先建為開山弘安三年十
 月十六日寂正和賜益聖一國師始下此
 博多承天寺唐人創之寄與干和尚橫嶽山崇福寺顯密僧

之與參州實相寺建之源滿氏寬元二年勅承天崇福
 二寺為官寺東福寺塔頭有二十三院

方札

每二月方寸許紙書方字出於當寺內同聚庵授與之
 門前八町人家門相悉貼之相傳曰有一鬼神逢國師
 作禮曰以後能令無火災疫癘為書一方文字奉呈蓋
 盡一方家數也干時國師密漆堅一畫為十萬而已或
 云方則土力也此生土人以有守護力令勿殃難也其
 彫印于寺存

釋迦涅槃大像

北殿司筆縱三丈九尺 橫二丈六尺

○北殿司者淡路人也號吉幼為當寺大道和尚弟子性
 好圖畫師常戒之將逐出之北以為凡被棄道路者破
 屐也今我以繪事被棄大道因之自號破草鞋一日北
 候師出而畫不動像大道忽還北驚藏之膝下時所畫
 不動之火燄俄然起不能掩大道大驚謂北之畫圖通

神明自是不戒其畫而後為東福寺殿司在明院或時北
 以為當寺無涅槃像我遊大明國摸其像于時後小公
 三月春出寺欲赴苑紫到稻荷橋時有一僧來曰汝奚往
 手非語其志僧自懷中出一卷繪曰是乃涅槃像也我
 欲代汝之勞與之忽不見焉非再拜其跡乃袖一卷歸
 本寺遂寫一大像納本堂又五百羅漢圖十六羅漢圖
 佛殿天井畫龍及頻伽鳥其鱗龍長十餘丈其畫法道
 釋之像尊宋李龍眠又頻伽鳥體其雲行水流者天性自得
 入神山水花鳥雖不所長至佛像人物為本朝第一矣
 境內有甘露井名水通夫雞冠木紅葉時見

京城山萬壽寺 在東福寺院內 寺領八十五石

龜山院文永九年草創 開基寶覺禪師

始在五条高倉其日跡今亦稱萬壽寺通為民家
 ○寶覺禪師諱湛照號東山備中國人師事聖上國師弘

安三年國師遺命為東福寺第二世而辭不就職四年
 藤原亟相再三強請不得已應之無何即退歸三聖伏
 見院嘗詔問道及當寺開山帝賜寺產四年八月八日
 化關維收靈骨舍利不可數賜謚寶覺禪師

正法山妙心寺 在洛西仁和寺近處

花園院建立 開基關山國師 寺領四百八十石

此處初左大臣清原夏野宅地其園中諸花美景不可
 言故稱花園帝用為離宮代賜洛北地於夏野今花園
 村是也帝歸禪法棄離宮為寺號妙心寺

○關山國師諱慧玄號關山姓源氏信州人幼穎異禮鎌
 倉廣嚴和尚難涉及壯歲聞今宗師稱第一者無過大
 燈國師入洛直抵大燈丈室禮拜問答忽然悟得雲門
 關字大燈拈手曰你真再來人也你初到前夢雲門大
 師來故以關字示你也宜號為關山尋領藏主之職會

後醍醐帝詔大燈將問法燈偶不安令關赴詔奏對稱
旨帝大悅二帝德入濃州深山縛菴而居數年大燈示疾
太上天皇勅問和尚法嗣中第一者誰耶對曰唯慧玄
藏主得其髓復宣旨曰將捨花園離宮為禪苑當請慧
玄住持師當立寺號大燈乃擬正法山妙心寺進覽及
燈遷化即遣勅使於山召慧玄入寺為關山上皇就丈
室後創玉鳳院以居常入室問道嘗一室無長物至終
藤以作衣環唯有兩朝室奎一篋而已嗣其法者獨授
翁彌公一人延文五年十二月十二日化年八十四賜
諡本有圓成國師四百年忌贈佛心覺照禪師

花園院在王鳳院武田信玄塔同息勝類同孫信
織田信忠塔在大雲院祥雲院玉岩麟公在微笑庵
細川勝元塔同政元塔鹿納殿塔東照神君弟一童子
池田勝入塔備前國主前田德善院塔號玄以法印

山内一豐塔土佐國主真田信仍塔左衛門佐
福島正則塔左衛門太夫有石川生駒等一族塔

龍寶山大德寺 在愛宕郡紫野 寺領二千二百石余

花園院御建立 開基大燈國師

後醍醐天皇御崇敬元弘三年勅可為

○大燈國師講妙超號宗峰播州揖西郡紀氏子禱觀音

出生其肌膚瑩潔目光射入方五六歲出言屢異以為
神童十一歲師事書寫山戒信律師經書過目成誦遂
志於禪學編叩京鎌倉諸知識且謁佛國禪師祝髮受
戒後參大應國師大應赴相州建長寺亦隨從未及旬
日忽然契悟花園院延慶大應遷化而後上居干洛東
籬至忘飢凍一夕夢異僧謂曰出世時至何不出也谷
曰仁義盡從貪處斷彼僧即以竹鍼挑其腋後云為佛
扶出貪因覺後腦尚痛未幾從居城北紫野於是有洗

和漢三才圖會 卷七十一 寺塔

心字借儒者數輩奏于朝欲破禪宗特來問難一聞節語皆稽首而洗心字捨宅為方丈今雲門庵是也上皇聞其風詔入大內奏對稱旨以大德寺為第一勅願寺賜興禪大燈國師號後醍醐天皇即位而恩寵尤渥如贈高照正燈國師賜莊田若干建武元年十二月二十二日遺偈而逝年五十六

一休和尚 見于當國後喜郡 薪里酬恩庵之下

有塔頭四十二院 古墳塔婆多

迦衛信尋公塔在同尚方嗣公 一休宗純和尚塔在真珠庵

江月宗玩和尚塔在龍光院 黑田如水圓清在龍光院

織田信長公一族惣見院 豐臣一族塔在天瑞寺

藤堂高虎塔在泉守院 細川幽齋塔在同三齋院

蒲生氏鄉一族會津城主 大友宗麟塔在同豐後國主院

毛利輝元塔在長門周防主 小早川隆景在輝元叔父為院

有馬道長塔在玄番頭院 片桐出雲守塔在同上院

小出播磨守一族同上 立花飛驒守一族在大智院

蜂源賀峰庵塔在同一大源院 松平利長塔在前田氏一族

京極淵龍院塔在同後守 青木氏塔在同上院

建部自得院塔在同後守 水野氏塔在和泉守院

半井氏塔在醫師庵 小堀遠江守塔在號院

觀世一族在瑞光院 古田織部正塔在號院

山崎宗鑑塔在連珠庵 久庵宗長塔在同上院

茶人珠光塔在同上院 里村紹巴塔在連歌師院

千利休宗易塔在茶人聚光院 平判官康賴塔在正授師院

右外名將貴族之古墳不勝計

吉祥山正傳寺 在洛北 寺領百八石

開基 普門禪師 有塔頭七院

大雲山龍安寺 在洛之北山 寺領三百九十石

細川勝元建立 開基 義天和尚

有塔頭十六院

日峯禪師議天師也

細川家代代之塔

○義天諱玄詔字義夫土州人蘓我入鹿大臣之後裔也十五歲師事土佐天忠寺義山和尚十八歲為大僧即入洛東建仁寺後東遊參瑞泉寺日峯舜和尚受付法及日峯遷化在養源寺時細川源勝元洛北創伽藍延師住持龍安寺是也又於丹州建寺請師為開山其村名八木故號采山龍興寺當經始日師與勝元躬運土一簣以先清衆之勞然丹波與洛陽僅一日程師每往來帝勅住大德寺寬正三年三月十八日化壽七十細川勝元者賴之五代之後也將軍義政公時與畠山持國等同為天下執事有智勇與山名宗全屢戰文明五年五月十一日病充號龍安寺

當山境內松茸竹筴風味佳最為名物

等持院 在洛北衣笠山南麓 寺領四百二十石

源義詮公建立 開山夢窓國師

有塔頭三院

淨名寺貞氏讚州大守

等持院尊氏公法名妙義道

寶篋院義詮公道權

果證院雪庭尼尊氏公之母

大休寺古山源公直義

登真院定海尼尊氏公之室

藤業寺尼義滿公之室

此外足利一族塔婆有

○義詮小名千壽王尊氏公三男母赤橋武藏守平久時

生于鎌倉尊氏上洛時留之鎌倉聞尊氏揚兵於京都

潛出鎌倉及新田義貞討高時而家臣紀五郎奉義詮

上洛行會四時延文元年四月廿九日尊氏薨於京都

五歲號等持院同三年義詮續跡任征夷將軍正二位

大納言貞治六年十二月七日薨號寶篋院壽三

鹿死寺 又名金閣寺 在洛之北山 寺領三百石余

鹿苑院 義滿公建立 應永四年

有三殿閣

一曰法水院 本尊釋迦 觀音勢至 一曰湖音洞 自然木 之觀音

一曰究竟頂 其畧扁後小松天子震翰

殿內有方二丈床其板不繼自一枚也凡閣內外皆貼

金箔故稱金閣寺

三閣之外鏡湖池岩下水龍門瀑銀河泉安民澤之致

景八境奇石等之眺望絕言語應永十五年三月帝行

幸有三日御遊

○義滿 尊氏義詮之長子 母石清水善法 生於京都 康安

楠正儀等陷京師時入夜潛抱出遁于東山僧良芳許

律師則祐善載便輿到播列白旗城 時年四歲 明年歸洛貞

治六年出制禁誇用約此時法師六人著異樣衣及袴

橫大小刀各呼倭坊 又曰細川賴之為管領政事淳朴

且密以善言誘義滿於諸大名出座時使言之故雖知

君皆無不喪伏 元應安 十歲而任征夷大將軍時南方

漸平率軍赴筑紫與菊池戰大勝遂奠九列歸洛 朝德

山名氏清叛義滿戰于內野伐滅之 應永 大內義弘有

狼心在泉列堺義滿以兵討之室町家累世第一名將

而官至相國位昇一品 花亭種花 時移于 號室町殿應永

十五年五月六日薨於北山亭 壽一 號鹿苑院賜太上天皇之號

慈照寺 在洛東淨土寺村 相國寺 之相國寺 寺領三十四石

慈照院 義政公建立 一名東求堂其壯觀以似金閣寺

故俗呼稱銀閣寺 世謂東山殿

義政 義滿公孫 義教之二男 義勝同母之弟 臣藤重光贈左大臣

兄義勝早世乃續家督 時年八歲 玉德元年補征夷大將軍

歲己三十未有世嗣故令弟淨土寺僧義尋還俗改名

義視號今出川殿為細川勝元而翌年義政實子出生多
 義尚遂義政與義視不和於是元仁山名宗全欲殺細
 川勝元互合戰不止五細川山名細川兩將共病死同六
 義政讓征夷將軍於義尚同九義視出京下向美濃諸
 大名歸國洛中靜謐自應仁元年十一年間天下騷動
 本朝日記諸家文書燒亡惜哉世謂應仁之太亂是也
 延德二年正月七日前將軍左大臣從一位義政薨壽
 五十六號慈照院治世四年性好茶會輯古器新作器亦
 甚美于今稱東山殿時代描金以秘藏之

正覺山妙光寺

在鳴瀧建仁寺

後深草花山內右臣師繼公長子忠年幼名早世舍弟
 帝之時心性法師同大納言師信佛隨父命建寺號妙光禪寺
 迎法燈國師為開山菴名歲寒庵法燈傳詳紀
 鎮守稻荷大明神

法燈國師永仁六年十月二十在當時時平岡八幡來降
 問法要神來則歲寒庵前巨松偃地神去則如故門人
 欄楯名靈松也有影向室名曰對神軒在方丈之西

勸恩庵

在綴喜郡新里寺領九十五石

靈端山妙勝寺南浦大應國師隱居之舊跡一休和尚
 慕之建庵經數百歲寺庵稍破壞焉小松中納言再與
 塔頭五院

大應國師

諱紹明字南浦駿州安部郡藤氏子幼事同

國建德寺淨辨和尚十五剃髮受戒叅建長寺蘭溪隆
 和尚後深草院入大宋禰叩諸方謁虛堂愚和尚忽得
 大悟留學三年咸淳歸國本朝文入建長寺同七出世
 於筑州興德寺明年移大宰府崇福寺居三十三年後
 延師為開山又奉勅赴關東留正觀寺延慶元年十二

月廿九日逝壽七十四關維獲舍利無算勅謚圓通大應國師仍勅建寺西京額曰龍翔

○一休禪師名宗純號一休後小松帝之庶子也母藤氏值懷孕時為正妃所妬潛民間應永元年正月元日生甫六歲不樂處塵中去謁安國寺長老為驅鳥天性豪放絕繩墨稍長嗜遊學時大德寺曇華更避寇居江州禪興庵即往參叟峻拒不納宗純誓死弗退遂許挂搭以一木二字貽之以為號七歲授以拄杖拂子輒擲地拂袖而去叟笑曰真風顛漢也一日帝不豫詔談心要稱旨賜以先朝墨寶及手洒御翰嘗持一木劍遊街頭或問以木為劍何所用乎曰此即當時偽知識也每見僧妄稱知識賤賣佛法甚耻之至妙勝寺造大應禪師像大應得法於虛堂愚禪師世傳一休是虛堂後身也勅住寶山寺堅臥不起八十五歲再住妙勝寺明年造法堂于寶山寺一坐三年文明十三年十一月廿一日化壽

八十八平日所述頌偈贊

黃檗山萬福寺 在宇治郡大和田 寺領四百石

後西院朝万治元年隱元禪師 實支三年建立

○禪師諱隆琦號隱元大明福州福清人性林氏名德龍

字在由母龔氏有兄弟三人仲子亦為僧能詩隆琦其季子也父遠遊不知處所二十歲時母欲為定聘因辭走諸方且至南海普陀山禮觀音發尋父之願久而歸闔省母及母亡其明年入黃檗山禮鑑源師剃髮時年二十九泰和徑山寺和尚來舉隆居第二座崇禎同十年黃檗山虛席延師為嗣先是在住獅子窟時岩側有一巨石峙如舟衆患其不平師曰時節若至自然平矣一夜晏坐其上默以道之行否為祝黎明石平乃名曰自平石作銘值海口城陷率眾到東嶽隆武應聘東渡七月六日抵肥州長崎本朝承應三年甲午入興福禪寺次移崇

福寺明曆元年攝州富田普門寺龍溪和尙迎主寺事萬治

元年關東大將軍延光捨洛南大和田地起師為開山

名黃檗復賜庄由若干太上天皇後木尾院詔龍溪宣旨請

法語敷奏稱皇情寬文六年上皇賜佛舍利同十三年賜唐國錦

織觀音像寬文十三年四月三日逝壽八十二留身三

日容色不變教賜大光普照國師號

黃檗山万福寺歷代

臨濟義玄三十二世 隱元隆奇 木庵性瑠

慧林機 獨湛榮 高泉激 千泉安

悅山道宗 悅峯道章 靈源海脉

寶藏院 在万福寺塔頭而攝列難波鐵眼和尙發志

勸衆彫刻一切經納之諸國競來押板以來藏經不

佛國寺 在伏見

開基 黃檗高泉和尙 益大圓廣慧國師

興聖寺

在宇治川邊

曹洞

開基 道元和尙傳見行越永井信濃守臥龍再興

寺前川中有石塔一基昔興止菩薩有來于此漁人多

常捕魚教之止殺生而為殺生滅罪立塔

瑞鳳山龍翔寺 在太秦西安井村今荒廢

南浦紹明住居之地後宇多帝敬感紹明之德行遷化

後建之近世所移于大德寺中然塔有于此

南浦紹明塔 嘗入宋歸朝後大燈國師從之嗣法焉

每七月大德寺中龍翔寺輪番僧來于此為諷經吊儀

嘉陽門院禮子塔 後鳥羽院皇女任准右成賀茂齋

院紹明諷經僧

法雲院 有廣隆寺西北

開基 如雪和尙

江州山上永源寺中興佛頂國師一絲文守之法嗣

有鳥丸光廣卿父子 勘解由小路資忠卿塔

海生寺

在大表南市川村

禪宗

開基未詳

車僧深山和尚正虎住焉

○車僧嘗不著生國姓氏常乘破車往返于四方能歷試七百年來往事以語之呼稱車僧又名七百歲謁南禪寺直翁侃大悟號深山正虎住于山科草庵後還于當寺遷化有車僧像今為黃檗派

西方寺

在嵯峨松尾之南

當寺有聖德太子作彌陀三尊行基菩薩來拜之別刻三尊納古佛於胎中建寺名西方寺其後高岳親王入寺為沙門檀那攝津守親秀因夢告招請夢窓國師為住持且建伽藍

妙安寺

在大佛殿之南

開山朗庵一休同時人關西三十三箇國無僧之本寺也宇治有吸江庵即朗庵之別庵

八坂法觀寺

在高臺寺南建仁寺末流

五重

天武帝

白鳳建立

延曆

小野篁再建立或時

此塔稱傾覆淨藏貴所祈之如故

神本九塚塔

舊在本國寺內本國寺建立時移于此

大塚上造社蓋謂人九卒千石見國者決焉嗚于九小町並善和歌而不凡古今以為師範者不詳死生而處處有兩人墳墓於此由緒處後人所造多矣

圓光寺

有一乘寺村初在相國寺境內

往昔下野國足利學校中古移于此

神應寺

在八幡山之北禪寺領二百石

相傳應神天皇之牌地也行教和尚建立豐臣秀吉公朝鮮征伐時為首途詣八幡宮入衛於當寺賜寺領

谷地藏院

在葛野郡

禪宗

號衣笠山

細川賴之再興

天合

後周皎和尚中興

周敏者夢窓國師法嗣而為禪寺應仁之亂山名宗全
之兵火堂宇悉燒失今僅龍濟軒 延慶軒 二寮耳

淨住寺 有細川賴之塔賴之傳見
在葛野郡葉室阿波國 節宗

葉室定然者建寺請興正並菩薩為開山律宗 歷星霜至
荒廢 元禄二年鐵牛和尚再興為禪

舍利殿 在本堂西
釋迦入滅茶毘時捷疾鬼取佛牙一枚走去章達天追
攻奪却之迺後入中華而道宜律師感得之後渡于日
本嵯峨天皇時安置于當寺云

大梅山長福寺 在同郡東梅津 同寺領二百六十石

開山 月林大幢國師
檀都 豐前左衛門清景 法名是球當村

○國師名月林 諱道皎 號獨步叟 姓源氏 父我中納言具
房男也 十六 薙髮師事相列佛國禪師後居洛北岩藏

山花園院薙召聽心要 既惇入宋留止十年歸朝過居
於當寺花園太上皇恩寵厚觀應二年二月二十五日
寂後光嚴院勅謚普光大幢國師 塔頭十軒

花山寺 在花山 禪
花山法皇寬和於當寺落飾 中興愚堂和尚

圓通寺 在愛宕郡情枝 同
本尊 座像觀音定朝作

開基圓光尼公園大納言 延寶年中為勅願寺 今上 震
翰及御衣寶冠等有之

尼寺 檀林寺 景愛寺
往昔尼寺有稱五山者 以上 安禪寺相承之
通室寺 護念寺 惠林寺私寺

檀林寺 在嵯峨 寺領二百石
嵯峨天皇后檀林皇后本願仁明天皇嘉祥三年建立

唐義空開基 本朝禪刹始而尼寺五山之其一

皇后深歸佛法見空海和尚聞真言密法次曰南天竺
菩提達磨傳來佛心宗有大唐國空海未究之太后乞
之命僧惠夢文德天皇齊衡羊中大唐宣宗皇帝惠
夢歷馬門五臺山至杭州靈池寺謁齋安禪師探得宗
門直宣伴禪師弟子義空歸朝京師居住東寺而後皇
太后創檀林寺居焉時時問道

佛和統記云日本國沙門慧鑄禮五臺山得觀音像道
四明將歸國舟過補陀山附著石上不得進衆疑懼禱
之曰若尊像於海東機緣未熟請留此山舟即浮動鑄
哀慕不能去乃結廬海上以奉之鄞人聞之請其像歸
安開元寺其後有異僧持嘉木至寺做其製刻之肩戶
施功彌月成像忽失僧所在乃迎置補陀山

皇愛寺

在洛北 尼寺之五山

開基

如大禪師名無外

城與州禪門之女也幼仕夜庭既笄配金澤越州守而

生一女長而為足利讚岐守淨妙寺貞氏之夫人建一
宇於洛北是也

曇華院

在三条東洞院

寺額六百八十四石

號瑞雲山通玄寺

尼寺之五山

開基 智泉禪師四辻宮松岩寺左府善成公息女也

當院代代戒師天龍寺之松岩寺也

護念寺

在五辻之南

尼寺之五山

如今為淨土宗非尼寺

光照院

在安樂小路

寺領四百五十八石

尼寺開山自本覺公者後伏見帝公主也從無人和尚

小野觀音寺第一祖

薙髮謁大笑宗師泉涌寺

十六世受戒

大慈院

在寺內通百町堀河

尼寺本願從二位仲子廣橋兼後光嚴院皇后魏崇賢

門院永德三年十月廿二日化

惣持院 在瑞華院之北 淨土 寺領七十石

尼寺 開基未詳

慈愛院 在二階町東側 寺領九十八石

尼寺 大樹義持公妻義量公之妻法名淨賢日野裏松之妻

寶篋寺 在寺內通小川西 寺領三百八十石

尼寺 開基將軍慈照院義政公女文龜年中建之

瑞華院 在寶篋寺之北 寺領四十石

尼寺 本願太慈院殿之女淨土

寶鏡尼寺 在等持院東相國寺末寺

如大尼 禪師為先師佛光國師所建 寺號正脈庵後夢

窓國師勸高師直為伽藍改號万年山真如寺

後水尾帝再興以第六皇女尼住持號仙壽院寶鏡尼

寺 東曰普濟佛國禪師

開山塔 中曰常照佛光禪師 西曰心宗夢窓國師

如大禪師像在東方

寶慈院 在上立賣通新町 寺領六十一石余

尼寺 今寶鏡寺末寺

大聖寺 在室町東上立賣 寺領二百五十石

後花園院 姬宮 比丘尼寺 初在北山長谷

三時智恩院 在室町西上立賣 寺領百四十九石

號入江殿

林丘寺 在北修學寺村

後水尾院 皇女 彩宮御本願建立 本尊觀音

靈芝山光雲寺 在洛東山 寺領三百石

後光明院 國母東福門院御願 開基英仲和尚南禪寺

後水尾院 皇女 妙莊嚴院墓有

大歡喜寺 在京極北西園寺南 寺領三十石

往右在千本之南後移于此此地今略五呼元歡喜寺

町昔藤原定家卿宅地有時雨亭而其南遷子稱定家

遷子也當寺屬天龍寺而一旦無住持僧以大聖寺老

尼為留守自此後住職以大聖寺住尼為戒師
有式子內親王塔定家卿塔

往生院在暖城尼寺淨土
大承保年中觀往法橋草創 建保年中善惠源空弟子再興

有佛御前塔 有岐王收女刀自尼塔
有白拍子姉名岐主一妹名岐女九年十母名刀自四年

大谷寺智恩教院 在東山吉水 寺領千七百石

順德院建曆元年建立 開基源空上人勅贈 東漸圓光大師
號華頂山 淨土宗本寺

○源空 又名法然 姓漆氏美作久米郡稻岡人也 父時國
元源氏仁明帝朝西二條右大臣源光公六世之孫式
作州娶漆元國之女生男子元國無子使列孫母秦氏
盛行嗣家時政源氏號漆盛行其三代孫時國
夢吞刺刀而有孕崇德帝長承二年四月七日生頭垢而積眼黃而

光小名號勢至丸至四五歲舉止動向西九歲保元七年

父被寇害定明也時國諱已本姓勢至丸自房處俱之以小弓矢射冠中其眉間寇者源

定明為其額瘡可證發遂隱而終身時人呼兒為小矢

兒時國臨終謂兒曰汝不可必報仇不如遁世弟善提

於是外叔同郡菩提寺觀覺延曆寺聞之乞為弟子送

與延曆寺北谷持寶房源光曰此童子駿驥也非吾

朽索之所繫也復投功德院皇圓阿闍梨當辨才也剃

髮受戒時年自十六歲凡三年通受台教歲時以為我

不喜名利學而從西塔黑谷慈眼房啟空大源限願也
改名為法然房空源稟密乘及大乘律凡大藏經律等
靡不檢閱謁南都藏後法相宗述唯識論仁和寺慶雅
演雜華二師皆嘆踰師承也自云我讀書二遍其義自
彰不營若而已又曰入宗外涉佛心宗晚見源信僧都
往生要集乃棄所業唱淨土專念之宗最安五年出黑

谷居洛東吉水盛說專修及圓頓菩薩戒高倉帝召入
宮受戒相國兼實公問淨土之事谷述選擇集呈之顯
真天台靜嚴東塔竹明遍山高野證真寶地公胤三井寺
省緇林翹楚等從問專念之道源空修法華三昧白象
現其道場又黃華嚴心案下有青小蛇使法蓮房信空
捕去次日蛇亦在焉又避之其夜源空夢蛇曰我是華
嚴經護神也莫畏也其後蛇猶蟠几下經竟而蛇不來
先是後白河法皇亦奉投戒恩遇甚厚令右京權大夫
隆信朝臣圖源空影納蓮華王院寶藏古今希有事也
隆信亦建仁元年出家一時關白兼實公造月輪新殿改名戒心為源空弟子
請源空跪出迎之談話而出屢下亦下庭拜背後語左
右曰源空頭上現金圓光子等見乎對曰不見自此相
國益加敬建仁二年屢入道名嘗感勝相修水想觀
地想觀等五觀三昧發得後暗夜無燈而放光於眼見
聖教或夜源空夢至靈場一僧出腰以上黑衣以下金

色也問其名答善道命畫工圖其貌後仁安二年後所
來善導之畫然安樂坊住蓮坊等專唱不斷念佛貴賤
群集且有官女受戒成尼者人以語之土御門大逆辨
兼元元年流源空於讚列斬安樂住居五年建曆初許歸
洛盡建曆二年正月二十五日誦光明遍照偈寂壽八
十歲東山院朝勅贈圓光大師寶永八年加賜東漸二字
源空嘗為高倉後白河後鳥羽三帝戒師而大師號
及五百年後賜之亦時哉始弘專修念佛法於小原
與諸宗碩學問答而勝之如最初美作觀學房真信
相模阿闍梨重宴三部權丹後迎攝房敏之師慈眼
房叡空等先師皆歸依成弟子也奇哉妙哉

御影堂 東西二十四間各九尺 南北十八間
集會堂 東西十九間半 南北八間半
有大小方丈 大小庫裏 輪藏

鐘樓 鐘 徑九尺 長一丈八寸 厚九寸五分

寺勢二品法親主

慶長年中純親主

坊舎十九軒

京師末寺八十三箇寺

正月御息

後拍原院定其法則賜勅書
紙函御息日唱導師頂戴之

紫雲山金戒光明寺

在東山新黑谷

寺領百三十石

開基 源空上人

浄土宗四箇之一本寺

坊舎三十一院道心者

京師末寺二十一軒

平敦盛塔空願瑛莊

熊谷蓮生房塔

傳見武列
熊谷之下

長徳山知恩寺

在神樂岡吉田之北

寺領三十石

開基 源智上人

浄土宗四箇之一本寺

中興 浄忠上人

號百万遍

坊舎十九院道心者

京師末寺二十九軒

鎮守

賀茂大明神

○源智名勢觀房備中守平師盛之子也師盛勳盛於
一谷合戰於攝列湊川邊為遠江守義定被討焉母隱

置至十三歲投于源空許空又遣于慈鎮和尚出家矣
復參于空師而常隨給仕也既十八箇年然上人老病

至危急請安心一筆則書授與之世謂一投消息是也
且浄土圓頓戒聖教等皆附屬之世後為報師恩營源

空影堂號知息寺曆仁元年十二月十二日寂壽六

當寺初在今出移于處處元正元類燒後移于此

○浄忠上人道德殆通神每授十念療病且教人唱百万

遍念佛而後善阿上人時後醍醐帝天下疫病流行奉

勅禳之不日安平其法無他帝散感不斜詔以百

万遍為寺號以後如有非常災則奉勅禳之有
什物多中有松蔭硯石

宋天子有贈賜紫硯石後重衡讓得之及最後遺之源
空空又賜源智以智本平家親族也

阿彌陀經有落字

一心不亂其人臨命終時之文有二十一落字句意難解而未識者也隋陳仁陵之筆書全文彌陀經於石碑其石碑渡于日本有筑前宗像而當寺然與吟達上人模寫之造石碑之安并御門跡筆正德四年十一月二十五日成玄之堂前

一心不亂專持名號以稱名故諸罪消滅即是多善根福德因緣其人臨命終時

報國山光明寺 在西山栗生野

宇都官蓮生法師開基熊谷入道與比同名異人

蓮生房俗名宇都官亦三郎宇都官座主宗圓三世之後三郎左衛門成綱之子也八叔二時依有賴綱謀叛風聞賴朝公欲使小山朝政追討賴綱據相模守義時申不實之旨於下野切髻改名蓮生參鎌倉

結城七郎朝光獻鬻陳謝仍所須于朝光既得赦免二八年十一為大番所勸仕上京先是熊谷蓮生房會于重聞源空上人念佛法于時源空在勝尾參謁聽法焉上人遷化後聞法於善惠房遂出家號實信房蓮生建一寺號念佛三昧院導師安居院聖覺後讓從弟幸阿彌陀房正元元年十一月十二日寂上八減後

一說云熊谷入道蓮生房建久九至栗生野結庵請空上人令供養元久下本國時付屬幸阿彌陀佛房源空之弟子於關東寂送上遺骨於當寺

淨土西山流義一本寺與永觀堂一

△按當寺開基有異說而名亦同字故紛紜恐熊谷蓮生房之草創而宇都官之所建寺觀念三昧院也見前十一源空迂化十五年後叡山榎並堅都定照者上野作禪選擇破淨土宗送之隆寬律師許律師作顯選擇答之其詞曰汝僻破如晴天飛礫也定照弥憤會山門衆徒

等訴僧正圓基歷奏聞流隆寬幸西等剝破却大谷源
空墳墓可流死骸鴨河永勅嘉祿三年六月山門遣所司
專當等破却廟堂六波羅等時氏遣頓官內藏御印兵衛盛政等曰假令雖有勅許攝武家
而尚不乘引其夜法蓮坊覺阿坊潜堀出上人棺移西
郊蓮生房宇都宮道信生房監屋法阿房太千葉六郎道
遍房入道西佛房頓官兵衛之輩法衣帶兵杖供奉之
移廣隆寺來迎房圓空許翌年安貞二年正月廿五日
渡粟生野幸阿彌陀佛房許茶毗之

○隆寬律師名皆空粟田關白五代後胤少納言資隆之
二男也慈鎮和尚門弟而可挑天台法燈器也然信專
修念佛為法然上足弟子上人滅後住洛長樂寺而與
定照論選擇集終為山門所嫉法然門徒等配流律師
其一而嘉祿五年流于奧列森入道在相列秘計以門
弟實成坊為代律師留相列飯山同十二月十三日寂

永觀堂禪林寺

在東山

寺領四十三石

號聖衆來迎山 開山真濟弘法大師之弟孫法相宗
中興永觀律師 淨土宗中興靜遍僧都

○永觀圓融院朝文章生源國基之子也專修念佛每日
數万遍無怠于時自河院永保二年二月十五日寅時
喚永觀二三聲行見之本尊如來回顧于左方為末世
闕疑其面容不復有於今永觀先於源空凡百余年念佛行者京師末寺三十二院
近化

○靜通僧都池大經言初仁和寺僧後住持永觀堂嘗讀
源空所著選擇集信一向專修念佛改名心圓坊源賴
朝卿命心圓令轉讀大般若經於今正五九月修之

清淨華院

在寺町通今出川下所初在土御門
清和天皇勅願 慈覺大師建立

中興開山 源空上人又中興向阿上人

淨土宗四箇之一本寺

往昔禁裏佛殿故無寺号山号

坊舍十九院方日寺

京師末寺十一箇寺

什物中有親鸞聖人筆六角堂夢想四句文

○向阿名證賢姓源氏武田安藝守時綱之子也官至光

祿卿後入園城寺剃髮又謁禮阿上人學淨土宗任當

寺著般若命本願抄及西妻抄往生至要訣等行于世又

善和歌傳歌新千載集貞和元年六月二日寂壽八十三

持言願寺 在寺町三条下町號大本山寺領十六石九斗余

本尊 正印阿彌陀 賢聞子芥子園父子作俗謂假

天智天皇御草創號在開基二論惠隱僧都

○惠隱法師姓不詳性敏而嗜學遊方至大唐參尋名德久

之從新羅使歸國朝廷知其名泊難詔入宮講無量壽

經後天智天皇初當寺延師為開山

桓武天皇遷都時移當寺於深草後改二論宗為淨土

宗開西山派中深草流義之一本寺也

豐臣秀吉公愛妾松丸局號名壽芳院月再興

坊舍十八院 京師末寺六箇寺

誠心院 在誓願寺南隣律宗寺領十石

昔淨土宗今為律院通干泉涌寺誓願寺初在洛北三

御堂關白道長公像 和泉式部塔 軒端梅有之

○和泉式部者越前守吉雅致女上東門院女房和泉守

橘道真為妻仍號泉式部

或云權中納言懷平女藤原保昌之妻源賴光

圓福寺 在寺町四條坊門 寺領十八石

花園院御願淨土宗嚴草流義之一本寺三州法藏寺亦為此末寺

本尊 弥陀源空上人作

○蛸藥師號永福寺元是天台宗今攝圓福寺淨土宗也

然初在二條南空町號水上藥師荒廢之後遷于當寺

內俗呼曰蛸藥師，未知其擾。

一心院 在智息院近處，山上。淨土念佛三昧一本寺。

開基 稱念上人。天文七年，中建立。處處多有，末寺十二軒。

○稱念 諱吟翁，初名緣譽，武列品川鄉人。藤田左衛門，扇道昭之男也。幼聰明，擢倫師事三緣山親譽上人。薙髮及師之遷化，到下總，飯沼弘經寺，謁鎮譽和尚，受淨土一乘大戒。鵬汴而住武列岩築淨國寺，後創江戶天智庵。後號天德寺。以先師親譽為開祖，自居又去，住勢列松坂樹教寺。又入洛，新黑谷住三年，而於大谷影前結菴，幽居以念佛三昧為己任。即一心院是也。天文二十三年七月十九日化壽四十一。茶毗為舍利，今現存。

真宗院 在深草。淨土西山派深草流義之本也。
開山 圓空上人。應仁之變，火燒，諸堂悉燒失，以狹今為小地。

○圓空 名立信，姓氏未詳。十五歲出家，師事西山善惠上人，學

淨土門，二十餘年，博學多識，嘗於洛南深草初真宗院弘其法。後深草院室治詔問法，勅建佛殿，山門經藏等，又構般舟堂，令修念佛三昧，賜以僧糧。皇太后亦歸之。又我公亦助齋糧三百石，嘗撰觀經疏記十卷，傳於世。又善和歌，新續古今集新拾遺，中年住，往生遣迎，二院後遷，誓願寺暮年歸本院。弘安七年四月十八日端座唱名而化，壽七十二。

二尊院 在嵯峨小倉山。寺領百十九石。
本尊 彌陀釋迦。故曰二尊院。

舊嵯峨淳和二帝離宮也。後延喜帝常廉法親王為寺屬，僧正遍昭為天台宗，既而源空上人結菴，屢通于此。當時住僧正信上人，堪空飯依于源空，而從行於師，配所於船中，以紙粘造師真像，今在當寺，影像是也。又上

和漢三才圖會

人滅後立墳墓建長五年七月廿七日寂壽七十八

源空上人塔碑銘宋景御影堂上人畫像世謂之

鷹司殿塔信房公以西三條家塔

二條殿歷代塔多有之

石像寺 在千本通五辻北智恩院

阿彌陀石佛在于堂前故名石像寺

藤原家隆卿塔有堂之東竹林中因名家隆山

○家隆卿與定家卿相双善和歌新古今集撰者五人之一也著聞集云家隆卿及老不信佛道嘉禎二年十月

七十九因病出家行攝州天王寺翌年特歸干彌陀本願念佛外無他四月八日詠和歌七首翌九月酉刻往

生七その中 亥あれ秘の里又やうりさく信の合をたつ

德迎山正法寺 在八幡山志水 寺領五百石

後奈良院天文十一年勅願 開基傳譽上人 源空十

其後興廢有年

尾州亞相忠直卿母君相應院殿為志水氏故再與

惡七兵衛景清塔 在八幡山七曲坂中

如法塚 在同處納經塚俗稱經塚

男塚 女男 在万稱寺前東西雙

龍池山大雲院 在寺町通四条下町智恩院末寺

舊有二条烏丸其處有池水故稱龍池山

當寺中興有貞安上人於江州安土淨嚴寺與日蓮宗

為法論貞安勝焉信長公感嗟之以所持團扇賜于貞

安於今有之

有信長父子塔

本覺寺 在五条下寺町

本尊 如法佛安阿弥 開基玉翁上人

玉翁與日蓮宗有法論因細川政元之命決論

新善光寺 在同處 寺領十七石九斗余

一条院勅願本尊 模信濃真像所鑄

知模三竹圖繪

一

一

一

一

一

一

長講堂

在五條下寺町 寺領二十石

後白川法皇建

在御尊影念佛勒修白跡今浄土宗西山派僧守之

長壽寺

在同處 寺領十八石

與長講堂為一寺後別為二寺建立日平忠盛奉行之

安銅佛釋迦阿彌陀大像

浄善寺

在寺町北鞍馬口 同

今出川入道相國兼季公又昭著代代葬于此

公季公以來為日蓮宗本國寺檀越其末寺下鳥羽常高院葬之

佛陀寺

在京極今出川北初在春日通

文明十年 邦諫上人開基

十念寺

在佛陀寺北

開基 真阿彌陀佛坊

後龜山院皇子有遁世志嘗詣誓願寺要出離夢示乃至十念若不生者不取正覺之文懺悔三出家名直阿

專修念佛普廣院義教公感其深志歸依之建一宇號十念寺永享十二年七月二日寂

阿彌陀寺

在鞍馬口在十方遍末寺

開基 生譽清玉上人

織田信長公於本能寺明智日向守所圍生害焉於是木雲院貞安和尚拾取其骸骨葬于當寺同戰死者百二十人立塔吊菩提

○信長

姓平氏織田相國清盛之後也尾州織田信秀之

男也小字號吉法師個儻不羈不顧細謹効事于馬成

童有將帥之量永祿年中與今川義元會戰時義元兵四方五千也信長纒以三千兵大克之從此威強大也

挾義昭公ハホホ淺井ハホホ殲齋藤伐三好殺松永殲武田叙在

内大臣從二位城壘於安土山上禪僧南華為之記天正十年六月二日為賊臣明智光秀被誑於本能寺

自殺嫡子信忠於二條新殿自殺信長平生拔城則與

士得地則封將賞爵明號令嚴也此所以其興乎然於將士之舊惠不能無介懷遂功臣舊將或誅或逐光秀賞違信長命居多故恐刀鋸之加其身先圖叛者也此所以其滅乎以信長之英才雄略假之數年逮一統之勦業不可知焉國之廢興存亡雖在天罹此難惜哉

勝林寺

在北山大原

寺領五十石

源空上人與諸宗法論時有瑞驗俗謂證提稱陀本尊是也

三福寺

在中御門北京極西山派

花開院

在寺町筋違橋

寺領十一石

本尊

阿彌陀 慈覺作後深草院勸願

報恩寺

在寺內通小川

寺領七石一斗五外

九品寺

在鳥羽

鳥羽法皇建九箇寺其一也

無量山西方寺

在五箇庄

俗所傳彌陀二郎之旧跡也

西本願寺

在西六條

寺領四十石

開山

親慈鳥聖人

京師道場三十一箇寺

第代顯如上人建立

初在攝列天蒲天正月十九年因

○親鸞名範宴姓藤原太織冠鎌足公十八世孫皇太后

官太進有範之子也母對馬守義親之女小字名若松

丸後號鶴六歲為孤成伯父範綱養子從四位下幼穎

敏有濟度志九歲入慈鎮和尚室在青蓮院薙髮號少

納言君尋住叡山東塔無動寺悉究台教建仁元年時

二十喜源空上人所弘專修念佛法往吉水室師事之

改名綽空建仁三年六月角堂觀音夢授四句文覺記之

行者宿報設女犯我成玉女身被犯以為奇不語先是

九條開白兼實公皈依于源空入道在洛西月輪世稱

是也一時問曰念佛行者有僧俗之差乎否空答曰釋

和漢三才圖會 卷之三十一 六十一

曰一切善惡凡夫得生則何有聖凡差別乎禪問曰可也願得上足弟子一人以我女妻之可解末世惑也空諾欲使禪空立在家一同宗肯禪空固辭不從空曰汝不有觀音靈夢乎我亦有告因反書夢之偈出之一字不差其四句鞞陀故不得辭而禪問以玉日姬十姬八妻之居五條西洞院殿下之花園也禪空改名善心卅三年後又名善信既以念佛門盛行係讚口住蓮安樂輩斬首謫源空於土佐善信於越後善信元年三月經五年雖有勅免為東北弘法在留歷行諸國凡二十五年越後下野二年常陸又改名親鸞從其徒者不可勝計創高田專修寺其餘稱關東二十四輩者枝葉日盛也貞永元年歸洛在五條西洞院後移住押小路弘長二年十一月二十八日遷化壽九十

或云兼實公有九男一女而名任子為後鳥羽院中宮宜秋門院是也蓋取兵部大夫三善為教女為養母子妻善信玉日姬是也生一子名實入道薨去云時母子留京師其翌年四月五日兼實入道薨去云

於鎌倉平時氏使博覽僧披合一切經親鸞亦其一而緒釋藏經因著諸經要文教行信證愚禿抄文類聚抄等又著和讚正信偈僧俗以為勒行而自稱愚禿應化聖不二之肯

第二 如信上人

正安二年正月四日化壽六十二

親鸞雖有四男三女安心不愜法義或早世故傳法於未女覺信尼公初日野左衛門尉廣綱之室文永九年建大谷道場以覺惠唯善為看坊遂讓如信如信乃親鸞之孫善信之嫡子也如信在奧列大綱盛弘一宗寂于常陸金澤而讓本寺於覺如

第三 覺如上人 諱宗昭

觀應二年正月十九日化壽八十二

覺信尼之孫學聰受如信禪正應三年歲二巡行關東北國望開祖之旧跡永仁二年著行狀記世號御傳書念法眼淨賀書其畫圖初中納言兼仲卿子

第四 善如上人 諱俊玄

康應元年二月廿九日化壽五十七

覺如之孫從覺之子也覺如有二男一女嫡子存覺
不愜法義二男從覺二女權中納言從覺嗣世無間
讓于俊玄為大納言故俊光卿

第五 綽如上人諱時藝 明德四許四月廿
善如之孫為大納言故時光卿博識秀才鳴于世早讓
于巧如幽居越中礪波郡杉谷于時有異國書翰難

稱解文諸儒眾僧不能辨召綽如令讀之如流水朝
庭大歡感焉奉勅礪波新建一字瑞泉寺是也更賜

周圓上人號有四子嫡玄康 二早許三鸞藝四玄吳
第六 巧如上人諱玄康 永亨十二年十月

綽如之嫡男為大納言資康卿有四子嫡圓兼 二空
覺三女子四宜祐

第七 存如上人諱圓兼 長祿元年八月十二
巧如之嫡男為廣橋大納言有三男四女嫡兼壽五
蓮照如列大坊六蓮康其餘女子

第八 蓮如上人諱兼壽信證院 明應八年三月廿
存如之嫡男也 小字布袋丸又名幸亭丸 宣光納言

博學多識而巡行東北諸列改門徒安心設道場於
處處遺後字書翰教愚昧人易知後編集為五卷而

稱之御文亞和讚正信偈每必讀之琢信心鏡正六月
為山門鬱憤大谷道場被破毀潛以開山影像移大

津近松寺文翔赴北陸於越前吉崎建一字在住五
年有富樫政親者城主嘗荷檐高田派下間安藝元

來有遺恨故謀伐富樫事覺而富樫急攻吉崎上人
大怒騷動出於安藝之私意追放安藝明七年八月

奔若狹小濱富樫乘勝欲滅國中門徒等互拒戰及
十四年張時政親自害一族悉亡其領地皆為

信長奪之 上人自若狹經丹波而暫留攝列富田又
滞留河列出口村空念宅三年賦善時江列金森道

西等戮力仗朝建山列山科坊舍延德元年隱居讓

於實如七十五明應五年於大坂生玉庄石山建堂稱森御坊今云森町同八年寂于山科一生苦行弘法式於諸國自此宗門一統而逐日盛也實此中興也有男女九六人 ○嫡順如三瑞泉寺五蓮綱寺

七蓮誓光兼八光兼十二蓮淳河列十五蓮悟十九蓮

攝行寺九一實賢江列九二兼俊九三實順九四

實善九六順興寺其餘十三人女

應仁二十四歲時讓世於順如居十餘年然多病而寺勢

不遂歷代而蓮如再住後讓第八光兼

第九 實如上人 諱光兼教恩院大永五年十二月二

蓮如第八子母中納言永繼卿之女公為左大臣時有

有五子嫡早世如二圓如三實玄播列四實圓寺五女

第十 證如上人 諱光教信受院天丈廿三年八月

實如之孫圓如之子也攝家之猶子為之始實如迂化故幼為嗣於是家

老下間筑後守弟民部卿恣執事且近頃乱世無所禪誘北國門徒神領處處然天文元年江列佐木六角彈正定賴與法花宗輩同攻山科坊舍燒亡之上人獻七敗走到攝列野田敵逐之百姓等宗門而擁之防戰其間乘小艇遁去百姓討死二十一人賜上人自筆感狀九明為每年有法事

後栢原院文龜元年踐祚之後雖過二十年而應仁

兵亂以來朝廷衰微天下大名亦無調進其料者故

未行大禮於是西三條前內府道遙院堯空以執奏

證如六于時年調進御即位料而三脉元年二年二改行

即位大禮

又後奈良院天文五年六月二日即位太内介義隆雖謂

進其料而有不足證如復奉補之以大禮周備焉天

下未曾有之忠功兩度朝野感嘆

十一 顯如上人 諱光佐信樂院文祿元年十一月

十月

證如之子重源中納言證如雖實祚輔功大而家臣
 下間之驕奢居不安且短命遷化故未賜感賞於是
 弘治元年證如遷化也後奈良院賜奉書於顯如時年十四
 同二年正月二十六日忝賜二品親王號宣下勅書
 勅使万里小路前内府秀房公也自此以後尊號經三
 年後又正親町院永祿二年十二月十五日加賜御
 門跡號僧正同二年十月本願寺僧徒十箇寺勅
 許院家號蓋院家則非平民之旨
 元龜元年三好一揆起攝列欲討信長光佐亦應三
 好信長嘗欲滅下於江列朝倉義景淺井長政山門衆
 徒皆敵于信長信長贈血書誓紙各乞和不得已許
 諾然焚敵城義向野由福島攻三好細川及光佐
 二年天正光佐築木津難波城與大軍合戰經年不決雖
 乞和光佐不聽信長內奏之於是近衛前將不前久
 庭田亞相重道勸修寺黃門晴豐演可和睦退去之

宣品同公時四退紀列鷲森信長遣大軍攻之村野
 二月光佐光壽力盡進退惟谷馬時信長為日向守
 光秀被圍自殺飛脚馳來敵皆退散呼天乎命乎哉
 銅針移泉列貝塚此時天下秀吉後住攝列天滿加建
 六條御堂翌年文祿元年遷化
 有五子嫡教如二早世子三女四顯尊五准如
 十二准如上人諱光昭大僧正境九壯修十一明
 顯如之末子小字阿茶丸自此成西東二本于時文
 祿三年也
 十三良如上人諱光圓教興院 寬文二年九月七
 十四寂如上人諱 日化壽五年十一月
 以後歷代無際限

與正寺

在西六条御堂南

開基名佐起號顯尊為中興屬西本願寺亦為一本寺
 永祿十二年勅號御門跡天正十年任權僧正詳干攝州
 八月天正十年勅號御門跡七年

東本願寺

在洛陽東六條

開山 親鸞聖人

中興世二 教如上人

慶長七年建立 後宣如上人再興今御堂

桁行二十七間

梁行二十七間

柱九十六本

瓦數二十萬枚

棟上明曆二年

移徙同十四年三月

十二 教如上人 諱

光壽 信淨院

慶長十九年十月

顯如之嫡男 母

細川右京大夫晴元之女

實西三條

顯如之上人 室也 晴元為養子 婚之後 號教光院如春

尼公 元祿顯如遷化 教如相續 有二弟 外興正持攝

前 本行持 越有所以 乎母公欲屏教如立末子光昭

愬干秀吉公 許容 年祿二月 令教如隱居 境內之裏

門徒 出仕勝於表 起於此 表 母公尚忌 逐境內 而後

家康公 每召恩遇厚 一日議 老臣等曰 同胞 母子何

為 如此不仁 乎 彼教如再住也 本多佐渡守 信曰

臣按 彼宗逐日 盛也 新立本願寺 為二本 則可乎 公

以為是乃慶長賜六條東隣方八町為境內建堂乃
上列鹿橋妙安寺所安置 齋師自作影像由初命為
新堂本尊自此為東西二本寺而其法義全無異且
二品法親主門跡大僧止東西無別初災却宗所祭
昌福本多之金言實當矣此併起於東照神君舉用
者也

十三 宣如上人 諱

光從 東泰院

万治元年 五月二

教如之子 初御堂稱狹故明曆年中 新再建

十四 琢如上人 諱

光瑛 清寧院

寬文十一年 四月

十五 常如上人 諱

光晴 泥恒院

元祿七年 五月二

十六 一如上人 諱

光性 無早光院

元祿十二年 四月

十七 真如上人 諱

以後歷代無際限

本願寺十箇寺勅許院家寺處處

今東西院家

本宗寺

二州土呂野塚

顯照寺

河州

乾證寺

勢州長島

本法寺

江州堅田

慈敬寺

江州堅田

稠德寺

上同

勝興寺

越中

順興寺

河州牧方

教行寺

攝州名關

常樂寺

和州吉野

宇多朱雀二帝落跡入仁知寺御開跡號於此其時相從出家貴族秘院家象身此門跡寺必有院家

開山直弟 六老僧

明光房

相列西方寺

陸源房

相列善福寺

玄海房

三列如意寺

源哲房

甲列万福寺

東海房

三列願照寺

了海房

武列善海寺

同 二十四輩

今分為東西二箇寺者有之。各詳於其本國

性信房

武列淺草報恩寺

真佛房

下野高田專修寺

順信房

常列光明寺

乘然房

常列如來寺

信樂房

下總弘德寺

成然房

下總妙德寺

西念房

下總西念寺

證性房

真列蓮生寺

善性房

下總東弘寺

是信房

真列本誓寺

無為信房

真列乘信寺

善念房

常列善蓮寺

信願房

下野慈願寺

定信房

常列阿弥陀寺

道圓房

常列枕石寺

入信房

常列壽命寺

念信房

常列照願寺

入信房

常列常福寺

明法房

常列上宮寺

慈善房

常列常弘寺

唯佛房

常列淨光寺

唯信房

常列唯心寺

唯信房

常列覺念寺

唯圓房

常列西光寺

第二祖如信上人在奧列大綱勸化日盛而年既壯
四寂于常列金澤正慶元年春覺如上人往大綱勸
法事時選直弟中愜師教者合空如記之如信之孫
謂之二十四輩其本紙今在

山科坊舍

在山科小野庄内野村

蓮如上人二年文明十建立先年以江州近松寺所藏親鸞

真影安之天文元年八月二十四日回祿于時證如上人十七幼弱
 故下間筑後守同源十郎二人執權源十郎會根於筑
 州及一職上人奔于大坂開山像今在
 ○下間氏姓源糸庫頭二位賴政仲綱宗綱宗重
 宗重為變師之弟子法名號蓮位房阿法不斷給事北
 陸下向時亦始終相從其功最大也子孫續東西共有

佛光寺

在五條坊門通高倉 寺領七石二斗余

本尊 阿彌陀 慈覺作 本名興正寺 號花園院

開山 親鸞聖人 中興 七世 了源上人

親鸞建曆元年配所勅許翌年九月移五條西洞院宅於山
 科鄉建寺號花園院興正寺五條地舊以月輪使真佛
 房住持嘉曆七年後尊氏將軍為祈願移寺於滋谷近
 邸與天子尊號同字故改為花恩院
 後醍醐天皇朝有人盜去本尊而甚重不得行而棄野

本尊放光以于鳳闕帝異之今尋其所在則得佛像獻
 之寺僧得聞以所遺臺座為證請宮乞之帝勅鳳闕乃還
 賜像於本寺改興正寺為佛光寺
 天正十四年秀吉公大佛殿造營就木石運送所用移
 今地

- | | | | | |
|----|------|---------------------|----|------|
| 第二 | 真佛上人 | <small>傳觀野下</small> | 第三 | 源海上人 |
| 第四 | 了海上人 | | 第五 | 哲海上人 |
| 第六 | 光明上人 | | 第七 | 了源上人 |
| 第八 | 了明尼公 | | 第九 | 源鸞上人 |
| 第十 | 唯了上人 | | 十一 | 性曇上人 |
| 十二 | 性善上人 | | 十三 | 光教上人 |
| 十四 | 經譽上人 | | | |

當時任職經豪上人歸伏本願寺蓮如上人更隸本
 願寺下四十二坊及末寺數多從之建一字於今在
 西六條興正寺之開基是也以所殘六坊及末寺經

譽上人相續經豪之弟也

十五 經光上人 權僧正

經光二條關白猶子以天台座主教學法親王為戒師自此有僧正官

十六 經範上人 權僧正 十七 存海上人 權僧正

十八 經海上人 權僧正 十九 隨庸上人

以後歷代無際限

本誓寺

在河原町二条上町

勢州高田專修寺末寺

大光山本國寺

在堀川通松原

寺領百五十五石

元祖

日蓮上人

當寺開基

日靜上人

祖師日蓮

後深草帝建長五年

於相州鎌倉松葉谷結草庵後號

本國寺前後在住十餘年時顯五十二年隱居甲州身延

山後月十三日安五拜於武州池上宗仲之家入寂遺

骨送于身延山其本國寺讓于日朗朗初文永八年九

月蓮蓮值龍口之危難日朗日朗日印日印日靜日靜日謙日謙

倉倉遷于京都鎌倉本國寺日謙者第四世而為洛本

國寺開基乃為日蓮正嫡之翁有數通有之

東西二町南北六町

本堂

東南西北間

祖師堂

寶塔

高十九間半

位牌堂

東南西北間

檀林

南北四十七間半

坊舍四院

觀持院

持珠院

寺中凡有百坊

當寺靈寶

高祖流罪赦免狀

日朗土牢舍赦免狀

釋迦立像為第一

安國論其外

曼陀羅數翰

僧正通昭塔

元在山科元慶寺加藤肥後守清正宴

居於觀持院

設茶會時將此塔為石燈臺點燈

和漢三才圖會

山城卷第十一

以為夜會覺應之一 自此于今有觀持院

今出川家塔 又稱之 菊亭殿 松永彈正塔 和州城主 為大檀那

加藤清正等塔 善目利元 刀劍 六条家塔

本阿彌妙本塔 善目利元 刀劍

金吾中納言秀秋塔 在寺中 瑞雲院 寺領百石

具足山妙顯寺 在寺之內通小川 寺領一石

開基 日像上人 初號妙本寺 在二条西洞院 天正中過于此

加賀中納言利光卿再興 役者 有六坊

○日像者下總葛飾郡平賀人 姓平晴性不凡 建治元年

年二月始投日朗之室 朗師熟視日他日大振我宗者

必此子也乃自携止身延山 日蓮一見曰汝應弘我法

乃示玄旨於一紙以為傳法之信授之 字名經一麻呂

于時年 而常侍傍 於安日蓮寂仍復從朗師在位十年

永仁元年歲 欲往京師振宗風先入鎌倉比企谷書

法華經一部 紙廣五尺二寸 長一丈七尺二分 又出由井濱念壽量品每

夜百遍于時靈瑞甚多 同二年 向海水大書題目一過

其字浮波有龍蛇之勢入呼曰浪動題目

同年到京師立城東門高聲唱題又立于街頭亦然其

後諸宗徒誦誥朝 德治二年 五月 即詔亞相宜房逐之出洛外

即答宣言其理甚盡故不日赦 三年慶過向日神前時有

鴿及老翁異瑞又往越中越前弘宗處處建寺 曆應製

遺誡六條付大覺僧正康永元年十一月十三日寂于

龍華院 壽七十四 大覺 朗源 日壽

△按高祖直弟有六老僧九老僧十八人中老僧而始弘

宗門於京師也日像之功為最大又於洛陽稱本寺法

華宗凡有十六箇寺而妙顯寺最初也且大覺僧正出

於攝政家歸依像師而其威其德兩拔群此日蓮宗益

繁昌之端也加之尊氏將軍叔父僧日靜上於鎌倉營

本國寺仍後醍醐天皇以為勅願寺蓋此現當二世上


和漢三才圖會

山城卷第十一

五十一

策也吁時至哉也但不此乎聖武於法相也桓武於天台也嵯峨宇多於真言也鎌倉於禪宗也東照君於念佛宗也亦皆自然之理而謂佛法之妙可也而已

六老僧 九老僧 十八人中老僧



具足山立本寺 在北野天神南

光嚴院朝開基

日像上人

大覺

朗源

自壽

元在四條櫛笥通回祿後移寺町今出川本尊及一三皆名作惜哉燒失又寶永三年類燒以來遷于此

具足山妙覺寺

在東京柳原

初在室町西二條之南

後圓融院朝開基

日實上人

日成

日遵

日實朗源之弟子 大覺僧正法孫也

脈和四化六

右三箇寺同山號俗謂之三具足

書狩野古法眼以後塔多有之

妙塔山妙蒲寺

在寺町二條下町

開基 日什上人

明德二年二月廿八日寂壽七十九歲

與當寺與列妙法寺遠列玄妙寺三所一寺也

法鏡山妙傳寺

在三條新地

初在寺町二條上町寶永類燒後遷于此

後栢原院朝

開基

日意上人

脈射延山二月

叡昌山本法寺

在堀川通寺之内

寺領十一石

後土御門院朝

開基

日親上人

自中山日常第七之祖

○日親嘗著立正治國論獻于將軍義教公其旨大違上意所禁獄呵責燒焦大錯令被於頭上至皮肉焦爛而忍受之遂見赦解自此咄錯被上人長亨二年九月十七日寂

本能寺 在寺町姊小路上町 寺領四十石

後花園院寬正年中開基 日隆上人 寺家二十八軒

當寺與攝列尼崎本興寺一葉也日隆初隨禪門徒日

信日登而後入日像大覺之派覽正五年寂

始在西洞院四糸坊門南時信長公於是生害後移于

卯木山妙蓮寺 在寺之內通太宮 寺領十石

開基 日存上人日壽之弟子應永六年寂

日像洛陽弘法之時有柳屋何某者投居宅為寺而未

有寺號日存受法儀於日壽弘之時立寺號自日存第

四世日應上人源大納言入道之外戚任僧正當寺初在五

糸西洞院後遷于此

志光山本隆寺 在上立賣大宮紋屋辻子

開基 日真上人 醇掾元時寂

後柏原院朝永正年中建之去師月明以日壽為祖

光了山本禪寺 在寺町淨華院北隣或為妙漸寺

後小松院朝立開基 日陳上人應永六年寂

大久保氏塔婆多有

廣布山本蒲寺 在京極今出川上二町目

後花園院朝立開基 日秀上人寶德二年五

日秀本國寺二世日傳之弟子也 高祖日蓮木像初

在小原山麓土中為法華讀誦聲入掘之遂安于當寺

聞法山頂妙寺 在二糸河原向 寺領二十一石

後栢原院朝立開基 日祝上人永正十一年寂

自中山日常第八祖洛陽建寺始在禁裏黑門西

要法寺 在三條新地初在寺町二糸上町寶永

光明院朝立開基 日尊上人類燒以後遷于此

日尊六老僧日興之法孫也應永四年寂

本涌山妙泉寺

在三条新地

初在寺町竹屋町寶永之類燒以後遷于此

開基 日舜上人

妙滿寺之五祖

厚聰日舜五

空中山寂光寺

在右同境內

自初在妙泉寺同地

開基 日淵上人

其本因坊

○當寺住持有日海上人名道碩者善圍碁信長召之任法印賜祿始稱天下碁所本因坊而以來不抱經學以巧手者為嗣皆以道字貞享元祿比有道策者自幼天性善碁遂為道悅之嗣僉云閱唐玄玄碁經及本朝碁經其第一者劣於道策也可一二石然則古今未曾有名人也

深草山寶塔寺

在深草

光明院朝立開基 日像上人

中興日銀上人鏡祿

松崎山本涌寺

在松之崎轍山麓名

開基 日生上人

文祿四年時社立本寺十二世祖

日生號教藏院肇立壇所京都六箇處為之始

妙惠山善正寺

在東中山吉田之南

開基 日鏡上人

元和二年二月

第四世

日演上人始立壇所

助治元年十一月

關白秀次公建立

戒名號善正寺殿高嚴道意

同父稱健性院

三位法印

同室號致祥院柔岳利生

同母稱瑞龍寺日秀

秀吉也

同幼子同舍弟塔有之

○秀次

三好氏秀吉公之甥也秀吉未有嗣故為養子而

臘正月

日許讓關白職

翌年八月生

元祿元年賴有好臣石田

輔三成者時以為如大閤薨去則及逆先欲弑秀次公

且六角衛義卿有家臣多良尾道賀者其女容色無

双三成平日慕之然聞義卿既為妾而猜之譖言令沒

收義卿并石領知焉後秀次納彼女為妾三成術計盡

如與叛重疊類譖想

文祿四年遂於高野山生害

家臣多自害

木村常陸重高十栗野木工頭勝

并石

白井備後守

範季六

熊谷大膳亮直澄五

寂光山常照寺 在鷹島峯 法華壇所

開基 日乾上人 號永廿七時寂

身延山二十一世祖號寂照院

太虛山光悅寺 右同處

開基 日達上人 近世 日得上人始修常題自

寬永年中本阿彌光悅奉公命開新田於鷹島峯因建當寺以興壽院日達為開祖

了光山護國寺 在山科 法華壇所

開基 日勇上人 慶安三年時寂

妙傳寺十三世號法性院

妙龜山隆感寺 在大龜谷 目前

開基 日達上人 万治三年七

雞冠井山真經寺 在雞冠井 同前

開基 日像上人

日像 延慶三年三月避京欲往西國過山崎向日明神前於是

二鴿飛來啣師衣而引師異之乃趨于衡門之下時有一老人來曰吾欲與師語少時留于此師知其非常人即寓止神祠其地曰雞冠井後人立寺以日像為開祖其後通明院日祥上人為壇所

久遠山本經寺 在小栗柵 法華壇所

開基 日兼上人

本涌寺 本國寺常照寺善正寺護國寺真經寺隆感寺

本經寺 以上八箇寺 法華宗學校 俗云壇所

正覺山實相寺 在上鳥羽

開基 大覺太僧正

○大覺講 妙實 少字 月光近衛攝政經忠公子也初入嵯峨大覺寺稟金剛乘一日出洛之次邂逅日像之法徒忻然與聽七日其徒智覺正覺日日相從皆信服忽棄密乘七歲十親炙日像究精微一年天下大早諸宗修請雨法而無驗師奉詔至桂川上讀誦法華一軸未久

和漢三才圖會 山坊 卷之二十一 寺名 七十一 系

大澍膏雨數日不止勅曰無所羨乎師請日蓮及日閉
日像之菩薩號上迺以三師贈菩薩號以大覺為大僧
正特大書大覺二字賜之將軍尊氏割三莊寄附之貞
治三年四月三日逝壽六十八

△按大覺乃日像之上足而京師弘法起於此僧正法勢
故日像開基妙顯寺立本寺妙覺寺等皆以大覺為建
立初祖蓋依請書之功贈菩薩號也無所見而不記其
年月未審也後醍醐天皇朝元享三年有大旱賜米粟於
於民如此時乎然其頃大覺祥二日像與在世最中
也存生中菩薩彌可難其後光嚴院康安二年雖有
大旱細川清氏攻京師將軍義詮敗走奉天子赴江列
時而無請雨沙汰矣凡菩薩號者祖武帝繼璿旣任宇
佐八幡神託勅稱菩薩伏見院正安二年歡尊勅贈興
正菩薩之外無之行基非勅許菩薩也蓮朗像亦假令
雖私號門人推舉至如此也嗟德歟幸歟亦不樂乎



